



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Caspar Schwenckfeldts Lehr/ Glaubens Opinion vnd
Meinung in gewisse Theses gefasset/ auß seinen
selbsteigenen Büchern/ sampt einer Censur vnd Vrtheil
vber dieselbige**

Wolffsbach, Nikolaus

Gedruckt zu Cölln

VD16 ZV 21726

urn:nbn:de:hbz:466:1-36498

Th. 1350.

Handwritten text in Gothic script, likely a liturgical or musical manuscript. The text is written in black ink with red initials and rubrics. A decorative border runs vertically along the right side of the text block.


Handwritten text (partially obscured by a large stain):

des
R
ges
ch

NG

ad Blas
ff ad

choli=
gen/




F
244

Caspar Schwencck=
feldts Lehr / Glaubens Opinion und
Meinung in gewisse Theses gefasset / auß sei-
nen selbst eigenen Büchern / sampt et-
ner Censur und Brtheil ober
die selbige.

Allen liebhabern der warheit / zur nach-
richtung und warnung / mit angeheffter bitt /
dieselbige fleissig zu erwegen und den
geist Schwencckfeldij zu
scheurven.

Authore Nicolao Wolffsbach /
Confluentino.



Gedruckt zu Cölln /
Bey Lambrecht Andree / Im Jahr
M. D. XCVII.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.



Handwritten text, likely bleed-through from the reverse side of the page.

Des Ehrwürdigen
und Hochgelehrten Herrn Johannis
Latomi/Dechants zu S. Bartholomeus in
Franckfort/Prefation/ober di-
ses Büchlein.

Vnsziger lieber Leser/ demnach die
verschiedenen Franckfurter Messen/
Ich auß Kaiserlichem befehl Gas-
spar Schwencckfeldts tractätlein/
aus anhalten der Predicanten all-
hie/benebe einem Ehrnuesten/ Hochweisen Rhat
verbottē. Hat sich der Drucker/welcher alle Mess
ettliche new tractätlein herfür bringt ohn Titul
vnd inscription einiges Authoris/ oder wo sie ge-
druckt/ sonder allein in Gaspar Schwencckfeldts
namen außgesprengt/ dessen hochbeschwert/ auch
letzlich/ von etlichen vom Adel/ wie auch Hochge-
lehrten/ schreiben/ vnd mündtliche werbung ahn
mich gethan/man solte solche Büchlein lassen pas-
sirn/weil sienit ins Reichs Abscheidt außdruck-
lich verbotten. Alles mag ein jeder sein Phantasey
herfür bringen/ vnd alle tage ein newen glauben
stifften. Diweil ich aber dise tractätlin gelesen
A ij hat/

Vorrede.

hat / hab ich deren ettlich zu mir genommen / vnd
dieselbigen erschen / auch Gelehrten Theologis
gezeigt / ihre iudicia vnd dise Censur darüber er-
gehen lassen / welche niemandt zu lieb oder zu leidt
gestelt / sonder als ein Christliche warnung in of-
fentlichen Druck aufgeben / damit niemandt
mehr durch solche schädliche Fantasien verführt /
vnd von der Allgemeinen Christlichen Kirchen
abgehalten vnd verführt werde / dich dem All-
mechtigen Gott hiemit befehlen. Datum Franck-
furt den 20. Julij / Anno 96.

Johann Latomus Dechant S.
Bartholomei Stiff zu Franck-
furt.

Die

I.
Die erste Theses seynd von Schweneckfeldts
beruff vnd herkommen.

II.
Die andere handeln / von Gott / seinem wesen
vnd Christo Jesu warem Gott vnd Menschen.

III.
Die dritten examinieren die Christliche Kirche /
als ob eine seye vnd wo sie zu finden.

IIII.
Die vierten / Lehren vom glauben Göttlicher
gnad vnd Rechtfertigung des Sünderis.

V.
Die fünfften / seind gesetzt von den Heiligen
Sacramenten / &c.

B iii Von

Von herkommen vnd beruff Caspar
Schwenckfeldts/ 2c.

Die erste Proposition.

Tom. 2.
Schwenckf.
Fp. 58. pag.
701.

De cursu verbi.
bi.

Lib. contra
Illyricum.
vom vnder
scheidt.

Caspar Schwenckfeldt / ist anfangs ein
Evangelischer Predicant gewesen. Dises
bezeugt Caspar Schwenckfeldt selbst in einem
Brieff / den er Anno 43. zu D. Luthero geschriben /
in welchem Schwenckfeldt bekant / das er D. Luthero
alle ehr vnd lieb schuldig / die weil er seines ministerij vnd
dienst theilhaftig gewesen sey / das er auch darumb / Gott
für ihn bitte / dessen eigene wort / also lauten. Ob ich wol
in allen puncten / euch nit kan vnder schreibē / noch
mit euch stimmen / so erkenn ich doch / das ich euch
nach Gott vnd der warheit / alle ehr liebs vnd
guts schuldig / weil ich ewers diensts anfanglich
mit genossen / so wol / als ich Gott den Herren
für euch nach meinem armen vermögē / zu bitten /
noch nicht hab vnderlassen / hæc scri. ad D. Luth. vnd
widerumb D. Luth. ad Schwenck. das ihr Prediger
seyt worden / höre ich gern / 2c. Dises gibe Caspar
Schwenckfeldt auch zuuerstehn / in der Vorrede des Büch
leins de cursu verbi Dei / vnd am letzt. n. bladt wider Illyri
cum / in welchen orthē er bekent / das D. Luther ihm
allezeit lieb gewest / er ihn auch in andern verthe
diget habe. Zu dem Predigamt aber / welchs Schwenck
feldt bey den Protestierenden versehen / wünschet ihm D.
Luther

in Theſes verfaßt.

Luther groſſen ſegen vnd genade Gottes/ermanet ihn/daß er ^{Hom. 2.}
in dem namen deß Herren weidlich fort fahren wolle/2c. ^{fol. 727.}

Die 2. Propoſition.

Sennach aber Schwencckfeldt in vil punctē
die Religion vnd glauben betreffend / von D. Lu-
ther abgefallen / iſt er von Luthero verflucht / auß
Kayſerlichem Mandat vnd beſelch ins elendt vertriben vnd
gehabtem Predigampts vom Römischen König entſetzt
worden. Diſes elaget vnd bekendt Caspar Schwencckfeldt/
Epist. 67. pag. 765. Die verfluchung aber Lutheri / vnd daß er
Schwencckfeldt ſampt ſeinen adherenten dem Deuffel zum
ewigen verderben vbergibt / ſindt man Tom. 2. epist. pa. 723.
Vnd ſeind diſe wort. Mein Vott / lieber Menſch /
du ſolt deinen Herren Caspar Schwencckfeldt zur
antwort ſagen. Das ich von dir / die Büchlein /
vnd den Brieff empfangen habe / vnd wolte Gott
er hörete auff / dann er hat zwar in den Schlesiē
ein feur angezündt / wider das h. Sacrament /
welchs noch nit iſt geleſcht / vñ im off ewig breñen
wirt. Vber das ſehrt er zu / mit ſeiner Eutycherey
vnd creaturlichkeit / macht die Reichen irre / ſo im
doch Gott nichts beſolhen noch geſandt / vnd der
vnſinnig Narr / von dem teuffel beſeſſen / verſteht
nichts / weiſt nicht / was er lallet. Will er aber nit
auffhören / ſo laß er mich mit ſeinem Büchlein /
die der teuffel auß ihm ſpeiet / vnd ſcheiſſet / vnges-
heit / vnd hab diß mein leßlich vrtheil. Incepit
dominus, in te, ſatan, &c. Auch im Buch wider Iſly- ^{Tom. 2. ep.}
ricum ^{67.}

Caspar Schwenckfelds Lehr/ Glauben/ re.

Lib. contra
Illyr. fol. vlt.
Vñ vnder
scheidt des
wort Got.
tes vnd der
H. schrift.

ricum/ do sich Schwenckfeldt also beclagt. Ob er (Luther)
mir wol sonst mit allein vnchristlich nachgetracht/
das laß ich bleiben/ sonder vil ahn ihm war/ mich
auch dem Deuffel/ gern hette geben/ re. hæc ille.

Die 3. Proposition.

Die 3. vrsach
den drum
Schwenck
feld vñ Lu
thero abge
fallen.

Drsachen/ darumb Schwenckfeldt/ D. Luthern ver
lassen/ seind drey/ wie zusehen/ lib. contra Illyricū,
Item lib. vom vnderscheidt der Schriftgelahrten.

Georg Maior
lib. Ci. cont.
Illyr.

Item lib. quaest. de Ecclesia, Die erste ist / vneingkeit
vnd zertrennung der Lehr Lutheri / auch der selben/
seines erachten / irrung vnd vngrundt zu beweisung
innerlicher Lutherischer Späh vnd zweitracht / führet
Schwenckfeldt eyn / Georgium maiorem ser. von Bekeh
rung Pauli / schreyet gleich such darauff vnd sagt / Was
bedörffen wir weiter zeugen? Er (Maior) hatts
bekant vnd nit geleugnet. Die vnwarheit aber Luthes
rischer Lehr / bekendt Schwenckfeldt öffentlich im angezoge
nen Buch / vnd spricht / das er Lutherum schriftlich vnd
mündlich hab ermanet / etliche Artikel zu besseren / welches
er auch praefatione de cursu verbi sagt / schon Anno 27. ge
sehen seyn / re.

Lib. Cit. cōtr.
Illyr. fol. vlt.

Lib. De cursu
verbi praefat.

Die 4. Proposition.

4. propo vnd
2. vrsach.
Lib. Ci. cont.
Illyricum,
fol. 71 fo. 13.
9 fol. 13.

Ze ander vrsach seins abfalls legt Schwēck
feld auff das böse leben / der Protestieren
den / vnd klagt fürnemlich vber die Predi
canten welcher Lehr / er für vnfruchtbar haltet /
fol. 7. Sie aber nennet er / Jüdische Buchstäbler /
in wel

in Theses verfaßt.

in welcher handel Christus vñ sein geist nicht sey/
er muste sich sonst / in sanfft mütigkeit / gütigkeit
vñ demütigkeit / er zeigen / er schilt sie einen vnglau- Lib. questio.
bigen hauffen / so die Schrifft deren / zc. Ja er greiff de ecclesia,
sie so feindselig vnd bitter an / daß ichs schewe nach zuschrei- q. 27. 28. ma
ben / zc. xime, q. 37.

Die 5. Proposition / von seinem Beruff.

Die dritte vrsach drum Schwencckfeldt D. 4. propo. vnd
Luthern verlassen / ist der Protestierenden 3 vrsach.
iustitia imputatiua, welche er nit begreifen

können. Es beschreibt aber / dise Gerechtigkeit also. Lib. De vn-
mir (sag Schwencckfeldt) gleich Sündler / gott loß / der scheidt
ja vnbekehrt / im alten wesen bleibē. So wölle vns der Gottes
doch / Gott / vmb Christi / vnd seines gehorsams vnd schrifft
willen / wann wir an ihn glauben / für gerecht hal- gelehrt.
ten / annemen / vnd vns unsere Sünde nit zu rech- fol. 3. v. 6.
nen / das heissen sie imputatiuam iustitiam / ein zu
gerechnete gerechtigkeit der von natur vngerech-
tem Menschen / so weit Schwencckfeldt / von Lutheri-
scher zugerechneten gerechtigkeit. Ob aber nun dem also sey /
kan der Günstig Leser selbst sehen vnd lesen / in D. Luthero
Postil gedruckt zu Jhena durch Donatum Richkenhapp
vnd Thomam Rebart Anno 62. vnd Dominica 22. Trini-
tatis / denn disen orth allegiert Schwencckfeldt lib. quæstio-
num / darumb / er denselben gewiß gelesen hat. Da schreibt
Luther von jm selbst also: Ich füle noch täglich / das
mir's fehlet abn Gottesforcht / am Glauben / ich

B trage

Caspar Schwencckfeldts Lehr/ Glaubē/ 2c.
trage einen faulen schelm am halse/ 2c. biñ also vol-
ler Sünde / vñd soll dennoch glauben/ das keine
sünde da sey/ 2c.

Die 6. Proposition.

Thest.
6. prefatione
Li. Bericht
lib. sacra
mentum.

Caspar Schwencckfeldt sagt / er hab sich bey
Schwebender Religions spaltung / keiner par-
thy anhengig gemacht / sondern sey / seines
vermögens vnpartyisch bey dem Herrn Christo
bleiben.

Intra de Ec-
clesia.

Das widerspil ist auß den ersten vñd folgenden Thestibus
erwiesen. Auch dieweil Schwencckfeldt lehre / das kein glay-
biger den andern kenne / so hat er sich nicht zu Christen / so
seiner meinung nach einander unbekandt / sondern zu bekand-
ten Juden vñd Türcken versügen sollen.

Die 7. Proposition.

7. propos.
Rechen-
schafft.
fol. 8. & 9.
lib. qq. de
Ecclesia.

Es bekennt auch Caspar Schwencckfeldt / daß
er niemandt / welche parthy er sey / verdam-
me / neminem, sagt er / damnamus, nemini
cursum interturbamus, neq; quatum in nobis est,
cuiquam in commodamus; Welches er also teut-
schet. Wir verdammen niemandts / niemand stri-
cken wir seinen lauff ab / wir thun niemandt leidt.
Ite wir sōdern vns mit wandel vñ gemeinschafft
von niemandt ab / der Christum liebet vñd Gott-
selig lebet.

Das gegenheil hastu droben gehört / da er die Lutheraner /
vñd

In Theses verfasst.

vnd auff das bitterst die Predicanten durchtreiben / sa er von
Luthero sich zeitlich abgeschlagen. Item / da er sich von allen
Kirchen / Thesi sexta / abgesondert vnd bey dem Herrn Chri-
sto abgehalten / als hetten die andere Partheyen alle Chri-
stum verlassen / hat er sie damaln nicht thatlich / vnd sampt-
lich verdammet? Wie? ist diß nicht verdampft? daer / die
Lutheraner einen vngläubigen hauffen nennet / da er die Pres-
dicanten für verleumbder außschreyet / vnd niemands / was
standis / ehr / oder würden jemand sey / verschonen / it. Vide
Schvvenckf. contra Illyricum.

Vide libel.
cont. Illyric.
fol. 76.

Die 2. Proposition.

Schwencckfeldt rühmet sich / er hab seine lehr
nicht allein auß der Schrifft / sondern vil
mehr / auß der gnedigen offenbarung Got-
tes des Vatters vnd seines lebendigen Worts.
Item / daß Christus sich selbst / ihm / nach beiden
Ständen / im H. Geist hab eröffnet / auß des Lie-
be / lehr vnd anweisung / zeuge vnd schreibe er seine
seine Bücher. Item / daß seine Lehr auß gnediger
offenbarung Christi ohne mittel an ihn sey gelan-
get. Hæc ille, dese iactabundè si non impiè con-
tra Spiritum sanctum mentitur, qui ecclesiæ, per-
petuò adest, &c.

Vide l. eim.
Rechen-
schafft.
fol. 6. 9. 12.

Da probandi
Schwenc-
ckfeldt
man glaubt
dir sonst
nicht / vnd be-
stehst / wie
Predicant
Mertz / mit
S. Ulrichs
Weyer.

Die widerspennigkeit / abschewigkeit deiner Lehr (wie
zu sehen) überzeugen dich lieber Schwencckfeldt / vnd geben
klar vnd vnuerneinlich an tag / daß weder Christus / noch sein
Geist dich weise / führe / treibe vnd lehre.



Die 9. Proposition.

1. pro. ex lib.
Rechen-
schafft. fa. 6

Schwencckfeldt / will daß sich niemandt / nach
im endlich richten / oder an seinem vrtheil
hafften / vnd auff in verlassen soll / sondern
ein jeder soll / sagt er / in allem durch Christum vnd
in Christo auff Gott den Herren sehen. Hæcille.

Die in diser 9 Proposition weist Schwencckfeldt jedermenglich auff newe of-
fenbarungen Christi / stisset also seine vermeinte offenbarung vmb / vernichtet sel-
nen beruff / macht so vil glauben / als menschen seynd / dann ein jeder also / seine ir-
rung / Irrey vnd aberglauben / so im der lügengeist eyngelassen / vnd vn möglich
für Christi offenbarung / willen vnd wort anhschreyen.

2. Cor. 11.
Der Satth
verstellet
sich zu einẽ
Engel des
lichts.

Dise Proposition laufft der vorigen stracks zuwider /
den ist sein Lehr außschreibe / 2c. des Heiligen Geistes / auß
gnediger offenbarung des himlischen Vatters / 2c. so ist sein
vrtheil Gottes vrtheil / sein Lehr / Gottes wort vnd Lehr / bey
welchem man hafften / stehn vnd halten / nach welches regel
vnd metnung man sich endlich vnd gewiß richten muß (wie
wol die seligkeit allein bey Christo zu finden) oder hat gewiß
Schwencckfeldt seine offenbarung / nicht allerdinge iust / auff
richtig vnd warhafftig befunden. Denn der Apostel Paul.
so selne Lehr auß gnediger offenbarung Christi / one mittel
empfangen / Gal. 1. Will auch das man sein wort / als Got-
tes wort / hören / halten / an dem hafften / vnd darnach sich
richten soll. 1. 2. hes. 2. vnd 4. 2c.

Die 10. Proposition.

10. propo.
Rechen-
schafft.
ci. fol. 11.

Schwencckfeldt sampt seinen adherenten (so zuuor ver-
borgen waren / vnd einander nicht kenneten / jetzt aber
ein sichtlich beyloiffst halten) Bekennen als folgt / 2c.
Wir lesen nach der Bibel auch jedermans Blü-
cher oder Schrifften / sonderlich aber der Christli-
chen

in Theſes verfaßt

chen lehrer / bitten Gott vmb ein Geiſtlichs vr-
theil / das recht vom falſchen / die warheit vom ir-
thumb zu vnderſcheiden vnd das gut zubehalten /
ſo weit Schwencckfeldt / zc.

Dieses ſtreitet widerumb / wider deine Göttliche vnuer-
mittelte offenbarung / lehre / vnd ahnweiſung des Heiligen
Geiſtes / auß welches trib du dich zuuor gerühmet haſt / das
du deine Bücher ſchreibſt. Bitteſt du vmb ein geiſtlich vr-
theil / wer weiß / ob du es erlangeſt? Wer macht dich / vnd
vns des gewiſſe? Dann alle Secten bitten vnd fellen doch wi-
derſinnige vrtheil. Bitteſt du drum / ſo haſt du des Heiligen
Geiſtes trib / lehre / anweiſung vnd gnad in deinem vermein-
ten beruff noch nicht. So iſt dann / dein voriger rhum nich-
tig / eitel vnd falſch. Darumb thuſt du recht / daß du ^{ibid. rachen.}
ſederman freyſtelteſt zu vrtheilen / ob dein lehre
von Gott ſeye

Die II. Proposition.

Schwencckfeldt rühmet ſich / daß er nicht al- ^{Rachen}
lein / von Gott beruffs genug / ſondern auch ^{schafft.}
deſſen zeugnuß vom H. Geiſt in ſeinem her- ^{fol. 7.}
zen habe / der in / ſo mehrer verſicherung / im liecht ^{contra ſup.}
des glaubens / allerley irthumb / vnd abfall von ^{o. infr.}
Chriſto / So zuuor / vnd auch jeko auff der Bahn
laſſe / anediglich erkennen.

Auß der 9. vnd 10. Proposition / ſelle diſer rhume ein / vnd
verſchwindt / wie der rauch / ſoll auch auß folgenden zweien
Theſibus gar zu nicht werden?

B 3

Die

12. propof.
Nechen. 161.

Schwenckfeldt hatt keine Apostolische sendung / ist kein Apostel / hat kein Siegel des Apostolats / noch die fülle des Heiligen Geistes / vnd seynd seine wort. Wir wissen vns aber keiner hohen Apostolischen sendung / noch des Apostolischen Reichthumbs zu rhümen / so wenig wir für Aposteln wöllen gehalten werden / denn wir haben noch nicht die fülle des Heiligen Geistes / noch daß Siegel des Apostolats zu solchem ampt empfangen / &c. So weit Schwenckfeldt.

Hieläßt Schwenckfeldt in grossen Duzen fallen / damit er / seinen ganken Beruff / dessen versicherung / den trib vnd vnd lehre des Heiligen Geistes / &c. besuddelt / verstenckt vnd zu nicht gemacht / / ha sein gankes vermeintes ampt verstorbert hat.

Denn hast du lieber Caspar / keine Apostolische sendung / so kompstu von dir selbst / so doch Christus anderst nicht / daß von seinem Himilischen Vatter zum Lehrer beruffen vnd gesandt worden / vnd hat die Warheit seiner Lehr / durch den beruff seines Himilischen Vatters / welche er / durch seine wunderwerck bekräftiget / vor der ganken welt bestethiget. lese Joan. 8. vnd 10. &c. Capit.

So ist man dann / dir kein wort zu glauben schuldig / also dem / So ohne Apostolische ordentliche sendung / von ihm selbst erwachsen. Lieber sage doch / was ist das Siegel der Apo,

in Theſes verfaſt.

Apoſtolen / anderſt / dann das ſie / ſhre Lehre in Gedult vnd
Sanftmuth / mit vnſträfflichem Wandel / denen / gleich /
wie mit einem Siegel eyngedruckt / ſo gehört vnd glaubt /
vnd ſhren Göttlichen Beruff / ſo ſie ohne mittel von Chriſto
bekommen / mit Wunderwercken / nicht allein für die /
ſo zur ſelbigen zeit gelebet / ſondern auch für die liebe poſte-
riterit / vnd allen Nachkommenden beſtehtiget haben /
vnd befeſtiget / Ihre Lehr / war ohn mittel von GOTT
vnd gnediger offenbarung des Himmeliſchen Vatters /
ſie waren des in ſhren Herzen gewiß vnd verſichert / ſhre
Beruff war gleicher geſtalt von EHRISTO / auß
trib des Heiligen Geiſtes / vnder diſen dreyen dingen beru-
het vnd haſſet ſhr Apoſtolat.

Diſer rühmeſt du dich Caſpar Schwendfeldt / drum
muſtu auch ein Apoſtel EHRISTE ſeyn / Biſt du
aber / wie wahr vnd du bekennet / kein Apoſtel / ſo biſt du
auch nicht beruffen / ſo iſt auch deine Lehr nicht ohn mittel
von GOTT oder von EHRISTO / ſha du haſt
nichts mit ſhme.

So iſt nun auch zum dritten / deine verſicherung / die
du auß vermeintem Heiligen Geiſt / in deinem Herzen
beſtndeſt / falſch vnd nichtig / vnd wirdt dir manglen / ſo
lang die Welt ſteht.

Hey diſer deine Lehre / ahn dem Siegel des Apoſtolats
ampe / welches ſeine Miracul vnd Wunderwerck / durch
welche / du ſo wol die folgenden poſteritet vnd alle Nach-
kömmling / als auch gegenwertige Menſchen vergewiſſen
vnd verſichern ſollteſt / das alles wahr ſey / was du vndir
außgibſt.

Denn

Tom. 2.
An. 1548.
Durch
Hans Lufft
gedruckt an
den Nhat
Nalhaau-
fo.

Denn es ist war vnd bleibt in Ewigkeit / was Doctör Lufft
thet geschriben / vnd diß als in folgenden worten gesezt hat.
Sagt er (Schwenckfeldt vnd ein jeder schleicher)
Gott vnd sein geist / hab in gesandt / wie die Apo-
stel / so laßt ihn daselbst beweisen mit zeichen vnd
wunder / oder wehret im das predigen. Denn wo
Gott die ordenliche weiß will endern / So thut er
altwegen wunderzeichen dabey.

13. rechen.
fol. u.

Damit aber Schwenckfeldts rhum / Apostolat / Ampt
vnd Göttlicher beruff / durchaus / wie staub / verwehet / vnd
einmahl / auß seiner selbst eignen Bekandnuß zu nicht werde.
So schreib vnd bekend Schwenckfeldt / es sey ihm nichts
offenbar / daß zur versambelten Kirchen gehöre / als von auß
spendung der Sacramenten / vom Geistlichen gericht / vnd
straff der vbertreter / von der Wahl / Examinierung vnd
Befestigung der diener / von Bann vnd aufschließen. Vnd
begreiff darnach mit einem / & ceter. die sach ganz vnd gar.
Summa / sagt er daselbst / wir seynd noch arme ge-
sellen / vnerfahren in Göttlichen dingen / arm vnd
schwach im geist vnd glauben / hoffen Gott werde
vns helffen / mit der zeit. Ja sie bitten / Gott wölle
seine erkandnuß nach dem geist herfürbringen /
vnd ihnen den rechten verstandt deß geheimnuß
seines reichs zuerkennen geben. So weit Schwenck-
feldts eigene wort.

Zyweist
mit / der dich
gesandt hat
der sende
auch deine
collegas.
Schwenck-
das hastu
so grob be-
wissen / das
ich / mich
selbst dei-
ner Göttli-
chen Lehr
schäme.
Zu bittet vñ
hoffet mie
den Juden
vergeblich
dann die
Durch ist

schon erbawet / ja Messias lebet / regiert vnd presidirt in der selben. Du hast es
gesagt / (Nebenschaß / fol. 6.

Die

in Theses verfasst.

Die 13. Proposition.

Ergo so ist die 13. Proposition / Schwencckfeldt weiß nicht / von der Wahl / Examinierung vnd Bestethigung der diener Göttlichen worts / etc. (Wer hat ihn dan erwelet / examinirt vnd bestethiget?) Er ist ein armer gesell vnd vnerfahren in Göttlichen dingen Er ist arm vnd schwach im Geist vnd glauben. (Wo bleibt hie die Göttliche vnfehlbare offenbarung vnd erkandnuß aller irthumb?) Er bittet vmb erkandnuß Gottes nach seinem geist. Ergo so hat er sie nicht / wer will im dann glauben / vnd der seiner Seelen heil vertrauen. Summa Schwencckfeldt ist vnd bleibt ein armer gesell / wie er sich selber geneht hatt.

*Ne ergo
suor ultra
crepidam.
Schwencck
feldt hat
sich auß sei-
nem eignen
mund vnd
worten ge-
richt vñ ver-
damt.*

Die 14. Proposition handelt von Lutherischer Lehr / vnd zeigen an was Schwencckfeldt da von gehalten.

In diesem jetzigen lauff / vnd ministerio der Lutherischen Theologen / sagt Schwencckfeldt / hat vns Gott der Herr / auch etwas eröffnet / vnd wir erkennens für ein ampt der Heiligen Schrift / halten die diener dieses ministerij / für Prediger der Heiligen Schrift / souil in Gott zuuerstehen geben. Ergo so ist auß Schwencckfeldtscher offenbarung vñ bezeyhung das Lutherisch ministerium ein ampt Göttlicher schrift vnd seind die diener / der Schrift Prediger. Ist dem also / Schwencckfeldt / so kanstu nicht bestehn / dann je beyde / vndercheidene / wider sinnige lehr vnd

*14. propos.
Ex libr.
Rechen-
schafft. f. 8.*

E Pres

Caspar Schwencckfeldts Lehr/ Glauben/ 2c.
Predig führet/ können also/ nicht beyde von Gott seyn/ ssa
die Lutheraner wollen doch deiner weder gesotten oder gebrä-
ten/ wie du weißt auß Illyrico.

12. Nechen.
baselbst.

Daselbst strafft Schwencckfeldt der Protestirenden Ir-
sal vnd vnchristlichen vorlauff der Lehr/ sagt/ dz sie die schrifft
nit verstehen/ schilt sie auch so hefftig wider Illyricum schrei-
bend/ das Schwencckfeldt/ seiner vermeint/ sanftmuth vnd
demüthigkeit vergessen. Illyricum vnd Gallum/ als lästerey
vnd verfolger der vnschuldigen außschreyet/ ja er fragt/ wie
es ein Obigkeit für Gott vnd der Welt verantworten könne/
solche grewliche lästerey in die länge zu dulden/ er sagt/ dz der
leidige Sathan in Illyrico vnd seinen Gefellen vmbgehe/
sagt weiter von Predicanten in gemein/ daß sie einander vn-
warheiten zuschreiben/ damit die Leut nit allein auff der Ean-
sel schmehen/ sonder auch durch ihre schriften außs grewlt-
chest außtragen vnd verleumbden. Hæc Schwencckfeldt.

Das mag mir wol ein vnuerschempfter armer gefell seyn/
der jemandt auß Gottes offenbarung lobet/ prieset/ sein anse-
hens/ vnd darnach so bitterlich verachtet. Auß geschickten di-
sen vnrichtigē vñ widersätzigen 14. Theibus/ von dem beruff
Schwencckfeldts ist klar/ das Schwencckfeldts Beruff/ offens-
barung/ ampt/ lehr/ vnd geist sey falsch vnd eitel gar/ 2c.

Vom Göttlichem wesen vnd Chri- sto/ Schwencckfeldischer Glaub.

Die 1. Proposition.

1.
Sic Tom. I.
Epi 3. 79.
et alibi.

Es ist Gotteslästlich zu lehren / sagt
Schwencckfeldt/ daß Gott nach seinen wesen
in allen seinen Creaturē vnd geschöpffen sey.
Iha Schwencckfeld/ es ist Gotteslästlich / das du solchs
leugnest / vnd dem Allmächtigen Gott seine allmacht vnd
im.

in Theses verfaßt.

Immensitet oder vner meßlichkeit abstrickest. Psal. 138. Wo
werde ich hingehn vñ deinem Geist. (Sed Deus Spiritus est)
vnd wo werde ich vor deinem angesicht stiehen/12. Ierem. 23.
Icher fülle Himm vnd Erden/12.

Die andere von Göttlichem wesen.

Der Heilige Geist gehet nicht allein ab/ von ^{2. in seiner}
Gott dem Vatter/ sonder auch von seinen ^{summar. An.}
ganzen sohne Jesu Christo/ Gott Mens ^{91. gedichts}
schen. So weit Schwentckfeldt. ^{Thesis 8.}

Diß ist/ lieber Caspar/ ein offenbare gottslästerung/ den
Gott der H. Geist/ so von ewigkeit/ procedendo à patre &
filio, vom Vatter vñ Son abgehñ/ seine Gottheit empfan
gen/ vnd warer Gott ist/ kan nicht auff ein neues/ on zerstö
rung der vnueränderlichen gottheit/ von Christo/ vnd seiner
menschlichen natur/ sein göttlichs wesen nemen vnd von der
menschheit Christi/ heroryren/ abgehñ oder fließen. Wiewol
sichs auch gar nit reumen läßt/ sa wider alle menschliche sñz/
vernunft vñ verstant ist/ Göttlicher Schrifft geschweigen/
das Gottheit/ auß warer menschheit fließen vnd herspriesßen
könne/12.

Die 3. Schwentckfeldische Schlußrede.

Christus nach seiner glorificirten menschheit/ ^{3. Dertis}
ist die andere Person der H. Dreyfaltigkeit. ^{summ. the. 9.}
Disß ist/ auch lieber Caspar/ ein grosser irthumb/ ^{vnd weit}
wo nicht bekandte Gottslästerung. Ursach denn Christus ^{scuffig. libr.}
ist die andere Person der Heiligen Dreyfaltigkeit/ von ^{questio de}
Ewigkeit/ vnd daß noch seiner allmächtigen Gottheit/ dann ^{ecclesia. 9. 3}
da hatt er noch nicht seine Menschheit/ Wie kan er denn ^{auch libr.}
ohne verwüstung Göttlichen wesens/ der Menschlichen ^{Rechen}
Natur nach/ in der zeit/ die andere Person in der Gottheit ^{f. haff.}
wese ^{fol. 12.}

Caspar Schwenckfelds Lehr/ Glauben 2c.

werden? Aber Schwenckfeldt dise deine Grillen fließen vnd wachsen daher / das du nicht wissen wilt / noch fassen kanst / das Christus auch glorificirt / die wahre Menschliche natur behalten hab / vnd auch dieselbe / in Ewigkeit hinfurter nicht werde verlassen / ablegen / verwechßlen vnd in das Göttlich wejen veriauschen.

Die 4. Schlußrede.

4.
1. par. confes
fol. 9. 19.
Tom. 2.
epist. 27.

DA S fleisch vnd Menschliche natur Christi / ist kein Creatur / auch vor seiner des Herrn Christi aufferstehung.

Die 5. Schlußrede.

5.
3. par. conf.
fol. 230. 6.
epi. cit.

Christi fleisch vnd Natur / hat nicht sein herkommen / vrsprung vnd Wurzel / auß Adams vnseres ersten Vatters fleisch vnd gebein.

Hæc Schwenckfeldt.

Die Proposition vnd irrung folget / vnd ist gesponnen auß der vorigen. Denn ist Christi Menschheit kein Creatur / so kan sie freylich von Adam so ein geschöpff vnd Creatur Gottes ist / nicht heroryren. Sie seynd aber zu gleich vnd miteinander falsch / irrig / lästerlich / lösen Christum auff / vnd verwüsten sein wares fleisch vnd Bludt. Dann zum ersten zeuget die Schrift / Rom. 1. Gal. 4. Das Christus auß / Dauids / Abrahe samen / vnd von einem Weib geboren sey / nun aber / Dauids / Abrahe / vnd des Weibes fleisch ist / ein Creatur / vnd von Adam her / Ergo so muß Christus / so von disem saamen kommen / Adams kindt / vnd ein Menschliche Creatur / seinem wahren fleisch nach / vnd blut sein. Vnd alle

Es heißt ja
das Buch
generations

Argument vnd beweisungen zu ruck gesetzt / findt man nicht klärlich Matth. 1. Die wurzel den Stammen vnd vrsprung des

in Theses verfasst

des fleisch Christi / von dem recht natürlichen samen Abrahams (der Adams kindt vnd ein Creatur) bis auff den natürlichen Joseph / auch welches statuen Maria die heilige Jungfrawe war beschreibenz Vnd noch klärlicher Luc. 3. wirdt Christi fleisch vnd blüt sein ware Menschheit vnd Menschliche natur deduciert vnd geführet auff Adam selbst?

der gebure
Jesu Christi
da er
brabe vnd
Dauidis
son geneße
wirdt.

Die 6. Proposition.

Christus ist der Heiligen Marie sohn / auch nach seiner Gottheit / lehret Schwencckfeldt / diese abscheulichkeit / beraubet / die H. Jungfraw Maria am aller ihrer ehren. Dañ die weil sie ein warer Mensch / vnd kein Götum ist / so kan sie auch keine Gottheit geben / gebären / vnd deren Mutter seyn / so nicht von ihr kommen. Die weil aber / krafft voriger articul / dem Schwencckfeldt / das fleisch vnd Menschheit Christi / nicht von Adam kompt / so kan es auch von der H. Jungfraw Maria (so Adams kindt gewesen) nicht hero fließen / vnd ist also auff Schwencckfeldtsch / ihrer Mütterlichen ehren beraubt / dann sie dessen kein Mutter zu nennen / daß nicht von ihr herokönnen. Schwencckfeldt / hast du nit gelesen / ehe Abraham war / bin Ich ? Wer war da sein Mutter ? Doch / wirt die H. Jungfraw Maria / recht vnd wol ein Mutter des Sons Gottes genandt / wegen der personalitet / welches du schwerlich glauben oder sonst fassen kanst / weil du / den vnderscheidt / Göttlicher vñ menschlicher person (à qua omnis fit denominatio) von Göttliche vnd Menschlichen wesen nicht weiß zu entscheiden.

6.
3. part. conf.
61. 72. Item
Rechen
schafft.
Ioh. 12.

di. 1. 1. 1.
Ioh. 8.

Esse diuinum, non nisi à Deo tribui potest, qui enim ego id cuiusdam largiri possum, quo destitutum me, sentio? vi ergo ab aeterno, B. virgo diuinum numen induerit, planè cõsequitur, quod diuinitatem, qua semper caruit, nulli omnino largiri eiusque Mater dici possit.



Christus seiner Menschheit nach/ist Gottes natürlicher Sohn.

7. Rechenschafft.

Cit. fol. 12.

da er/nicht vndersehen will/vñ

3. par. conf. fol. 4. & 19.

Heb. 2. & alibi.

8.

2. par. confes. fol. 108.

Gemach Schwenckfeldt/es klinget besser/wann du sagts/das Christus nach seiner Menschheit/Adams/Abrahe/Dauids kindt/Marie sohn/ vnd vnser Bruder sey. Das sagt die Schrifft/das zeugen vnser sñ/ verstand/ ration vnd vernunft/2c.

Christus ist geringer/denn der Vatter/auch nach seiner Gottheit.

Diß kartet mir/der Gottes mañ Schwenckfeldt/wunderbarlich ineinander/nechst/war Christus auch nach seiner menschlichen natur/Gottes sohn/etzt als ein/rechter natürlicher sohn Gottes/ist er nun geringer vñ minder/den der Vatter. Wie vergleicht sich das? Schwenckfeldt! Höre aber/Christus wirt genüt/des lebendigen Gottes sohn/der eingeboren Gottes son seyn/Gottes warer son. Ist den Christus des lebendigen/eingebornen warer vnd also natürlicher son/so hat er dieselbe/ewige/einige/vnueränderliche/vnermesliche/göttliche natur./man wolle den Heidnisch vñ gottslasterisch bey mehzung der naturen/auch die Götter mehr/ Ist aber in Christo dieselbe/einige/göttliche des Himmlischen vatters natur. Ergo so ist vñ muß auch da sein/gleicher Gewalt/allmacht/vnermeslichkeit/vñ in Christo hafft gleichheit des vatters/ringerstu aber die natur in Christo/so ist sie nit dieselbe/einige des vatters vnueränderliche natur. Vnd haftu die ware Gottheit/so sich nit biege/schmälern/vñ ringern läst/durch deine ringernung in Christo gar verderbt/vñ so vil an dir/(verzeihe mir diß wort/die warheit vnd dein vnuerstandt/zwinget mirs herauf) Gott er mordt/den du sein göttlich wesen zerstöret haft/2c.

Matth. 16.

Ioan. 1. & 3.

1. Ioan. 5.

in Theſes verfaßt.

Die 9. Proposition.

Chriftus hat nach feiner Göttlichen natur gelitten vnd iſt geſtorben.

9.
Rechens
ſchafft.

ſo. 12.

1o2. 4. 6. 20

Es iſt zu grob Schwereckfeldt/ daß Gott leiden vnd ſterben ſoll/ weiſt du nicht das Gott ein geiſt/ der kein fleiſch vnd blut hat? Wie ſoll er denn ſterben? Iſt Gott geſtorben/ wer hat in dem erweckt von den todten?

Die 10. Proposition.

Chriftus war im grab verlaſſen von feiner Gottheit.

10.

Tom. 1. ep. 33

Diß iſt nit möglich/ daß was Gott einmal angenommen ſagen alle Theologen/ ſin von etlich 100. ſaten hero/ daß hat er nit verlaſſen/ liß Act. 2. ſo findſtu/ das es vnmöglich war/ das Chriſtus konde in der Hell auffgehalten werden: warumb aber/ war es vnmöglich? das macht die Göttlich perſon/ ſo von der Gottheit nit möge abgetrennt werden/ vnd ſo wol bey der Seel/ als bey dem H. Körper im grab vnauffgelöſt bleibe. Wie nun die ſeel/ in der Hell/ wegen der göttlichen perſonalitet/ durch welche ſr auch die gottheit vereinbart war/ nit möcht auffgehalten werden/ alſo auch im grab/ durch krafft der göttlichen perſonalitet/ durch welche auch dem körper die gottheit vereinbart ware/ konde derſelbige leib nit verweſen/ ruhet in gewiſſer hoffnung eigener krafft wider auff zuſtehen/ vnd ware alſo/ die Gottheit/ vermög/ angezeigter göttlicher perſonalitet dem H. Leichnam Chriſti verbunden. Den/ nach dem/ der H. Petrus/ daß impoſſibile oder vnmöglich geſetzt hat/ ſo zeugt er als bald/ den 15. Pſal. ahn/ vnd redet gleich von der Seel/ vnd von dem Leib Chriſti/ daß/ wie die Seel/ in der Hellen frey geweſen/ alſo auch hab der Körper Chriſti/ nicht mögen verweſen/ vrsach diſes alles iſt geweſen die ware Gottheit/ ſo in der Hell bey der Seel/ vnd im Grab bey dem Körper Chriſti/ wegen der Göttlicher perſon ware/ 26.

17. 3.

Die II. Proposition.

11.
3. parte con-
fessio 6. &
libell. colla-
tio. statum 1.

Christus ist durch seine Auferstehung / von
newem geboren worden / nicht zu einer Crea-
tur / sondern zu einem Gott.

Dieser irthumb nimpt vnd beraubt vns / vnserer ganzen
Religion vnd Christlichen Glaubens / so an der waren aufer-
stehung Christi hanget vnd hauffet. 1. Cor. 15. Dann der Hei-
lig Paulus beweiset vnd bezeuget / in berhürtem orth / auß
der wahren auferstehung Christi / vnserer gemeine auferste-
hung / vnd thut klärlich genugsam an tag / die weil Christus
leiblich auferstanden / auch seine leibliche auferstehung vñ
wahre Menschliche natur / nach dem er von dem Todt er-
standen / so vilfältig bewisen / ja er / der Herz / im / dem Apo-
stel Paulo / selbst nach seiner wahren Menschheit sey erschie-
nen / so werde vnd muß sein / ein gemeine / vnseres fleisch vnd
vnserer Körper / auferstehung. Ist aber Christus / nach sei-
ner auferstehung zum Gott vom newem geboren / beweist
der H. Paulus nicht / daß wie weist er / vnser fleisch vnd cor-
pora auff Christi leib / leben vnd ware menscheit / so nit mehr
vorhanden? Ergo / ist der Proceß / vnd das Argument / des
Heiligen Pauli kräftig / so muß auch die ware Menschheit
Christi / zu keinem Gott geboren / sondern derselb körper
Christi / so hie auff erden matt vnd müde gewesen / im Grab
gelegen / gezeitet worden / 2. droben im Himmel seyn / wie
wol glorificiert vnd Herlich / 2.

† Nota.

† Es gehet daselbst der H. Paulus auff das leiblich erscheinen vñnd sehen
Christi / welches durchaus kein stadt haben kan / wenn / die Menschheit Christi
zum Gott worden / oder folget das wir alle zu Göttern werden müssen / denn
der Apostel sagt / *ibid. equalis caelestis, tales & caelestes.*

Die

in Theses verfaßt.

Die 12. Proposition.

Nach der Auferstehung gebüret / Christi
Menschheit / alles was Christo nach seiner
Gottheit von Ewigkeit zukompt.

12.
Rechen-
schafft.
3. par. confes.
176. & coll.
statu. c. 2.

Die 13. Proposition.

Nach Christi auferstehung / ist in Christo
sein will / gewalt / macht vnd krafft / ic.

13.
Rechen-
schafft.
3. par. conf.
fol. 212.

Die 14. Proposition.

In Christo ist nunmehr alles Substantz vñ
Wesen.

14. Rechf.
3. par. confes.
fol. 226.

Diese drey letzte articke / folgen aus dem eilfften / dann ist
Christus durch seine auferstehung zum Gott geboren / so
müß er alles haben was Göttlich ist / vnd in ihm / als in einem
wesen / ein Will / Macht vnd Krafft / vnd nunmehr in ihm
alles Substantz vnd wesen seyn / dieweil aber der eilffte Ar-
ticke / vnd das fundament diser Lasterungen / von mir ist vn-
dergraben vnd gesprengt / so kan das vbergebaw nit bestehn.
Fehner ist zu wissen / wiewol die 14. letzte Articke von Chri-
sto / auß vnderchiedlichen orten genommen / das sie doch
Schwenckfeldt lib. quæstio. de Ecclesia / vnd im Buch Re-
chenschaft. Gleich als in ein summam zuhauff gesetzt / vnd
in folgenden worten / also kurtlich begriffen.

vide libell.
collationis
statu. cap. 4.

Diese Lehr (sage Schwenckfeldt) des Erkandts
nuß Christi / nach seinen beiden Stenden / als
Christum / den wahren natürlichen eingebornen
Sohn

Zu Schwenckfeldts eigene wort setzet: *Iuxta alterum vero statum forma Dei ex-
altatur, equali honore potestate, nomine gloria & maiestate cum Deo?* Welches he
auß der 12. proposition natürlich erfolget / auß welcher folg / denn / die 13 vnd 14.
Schlußreden nothwendig entsprössen seynd.

Diß wieder
drunden vñ
Kirchen ab
geleinet.

Son Gottes / für vnsern Herrn vnd Gott / nach
seinen beiden naturen / in Persönlicher Einigkeit
halten / ihn ganz erkennen / lieben / vñnd göttlich
ganz verehren / ist wider alle die / so Christo diser
zeit / seine Göttliche ehr benennen / ihn manigfaltig
zertheilen / ein natur von der andern. In seiner
geburt / leiden vnd Herzlichkeit / vnfürsichtig ab-
sondern / vñnd damit seine Persönliche ganzheit
auflösen. In jnen auch nicht / nach beidē naturen /
für den waren Son Gottes wollen erkennen / wie
in vnsern Büchern / dar von mehr ist zu finden.

Locis citatis,
vñnd sonst
mehr.

Hæc Schwenckfeldt.

*Nota/ Schwenckfeldt erkennet in Christo keine andere personalitet. denn alle
ein/ die vereinigug bey der naturen/ ex plura personalitate diuina.*

Da höret der günstige Leser / daß Schwenckfeldt / kurz
umb in CHRISTO kein vñnderscheide / der Naturen ge-
stattet / auß welchem denn / alle jetzt erzehlte / hæresum-
portenta / grausame / erschrockliche lästerungen wider den
Herren CHRISTVM erwachsen / vñnd muß also dem
Schwenckfeldt / in CHRISTI geburt / so wol die Gott-
heit / als Menschheit / geboren / vñnd ahm Stammes des
Heiligen Creuzes / so wol die Göttliche als Menschliche
Natur / gelitten vñnd gestorben / vñnd nunmehr / die Mensch-
heit / Gottheit / vñnd CHRISTVS wahrer Gott vñnd
Mensch / allein Gott seyn. Den will er göttlich ganz /
verehret haben.

Das aber der arm Schwenckfeldt sorget / bey vñnd-
scheide der Naturen werde / die ganzheit Göttlicher pers-
son /

in Theſes verfaßt

ſon / die er doch nicht erkennet / auffgelöſt / iſt ſo vil zu be-
fahren / als man zu ſorgen hatt / wenn man Seel vnd Leib /
ihm Schwencckfeldt vnderſcheidet / der Seel den Geiſt /
vnd das leben zu geeygnert / dem Leib aber / den ſichtlichen
Cörper / Fleiſch / Blut / Bein / &c. Vnd die corruption /
der ſterblichkeit zu ſchreibet / Es wirt Schwencckfeldts per-
ſönliche gangheit auffgelöſt.

Alſo denn / ohn nachtheit Göttlicher perſon / mögen / ſha-
ſollen / beyde / Göttliche vnd Menſchliche naturen / in die-
ſer Perſon vnzertrennlich / vereinbart / betrachtet / vnd ei-
nem jedern / daß ihre / wie bey Leib vnd Seel / zu erkandt
werden.

Die 15. Propoſition.

Die vorgesehten Articulen / folget daß die Heilige
Juncckfraw Maria nicht mehr CHRISTI Mut-
ter ſey / dieweil ſie in CHRISTO / alles Gott vnd
Göttlich iſt. Solches bekandt Schwencckfeldt / Tom. 1. epi-
ſtola 34. & alibi.

Dieſe / iſt / aber ſchon nidergelegt / Denn wir erwieſen /
daß CHRISTVS ſeine wahre Menſchliche Natur /
nach ſeiner Auferſtehung behalten / &c. ſoll infra
de Ecclesia ſehner vnd beſſer ge-
reutert werden / &c.

Caspar Schwenckfeldts opinion vnd
meinung von der Kirchen / 2c.

Die 1. Proposition.

in propof. lib.
Rechen-
schafft.
fol. 2. lib. 1.

fol. 3. ibid.

WIr glauben / wissen vnd bekennen (schreibt
Schwenckfeldt) daß ein heilige Christliche
Kirch noch heut sey auff erden / nemblich /
die zahl aller außgewählten gläubigen / vnd heili-
gen Gottes / die den Geist Christi haben / welche
heißt Catholica Ecclesia recht zu reden. Difes repi-
tiert vnd erholet Schwenckfeldt / daselbst wider / 2c.

Die 2. Proposition.

in propof.

Diese Kirchen der außgewählten / deren Chri-
stus haupt / vnd sie / sein Leib vnd gemein
Gottes (sagt Schwenckfeldt) sey allein
Christo / ihrem Herrn / Haupt vnd König bekant /
sie aber / die glider / seyen hin vnd her in der ganzen
Welt zerstreuet / daß sie auch einander nicht kö-
nnen / Difes bezeuget Schwenckfeldt mit dem H. Aposteln
Paul. 2. Tim. 2. Der veste grund Gottes bestehet / vnd hat
disen Sigel / der Herr kendet die seine. So weit Schwenck-
feldt.

Diser spruch lieber Schwenckfeldt / gehet eigentlich auff
die predestination / vnd Gottes / ewige vnerforschliche wahl /
vorsehung vnd verordnung seiner außgewählten zum ewigen
leben / darumb du ihn vnfüglich auff die Kirch gezogen / vnd
die selbige damit verstretchet hast. Daß aber diser spruch nicht
von

von der Kirchen (so ein Säul vnd grundfest der warheit in welcher Timotheus sichtlich/leiblich/gewandert/gelebt/gehandlet/gepredigt/die sichtlich geheimmuß Gottes vñ H. Sacrament bey der sichtigen/eusserlichen vnd leiblichen gemein Christi/aufgespendet) sondern von der ewigen wahl Gottes/prædestination/vnd denē allein/so auß Göttlichen gnaden/vor erschaffung der Welt/zur seligkeit vnsehbar versehen/zuuerstehen sey. Neben dem/das der vnbetrüglich augenschin/bey allen Partheyen gute vnd böse/so wol bey obern/als vnderthanen zeigt/vnd muste also nie eine Kirch gewesen/noch künfftig zu hoffen seyn/solte diser spräch/allz ein auff die frommen gehn/wir bitten/se alle vergib vns/1c.) so bringt der Text daselbst solches klarlich mit sich. Denn/merck/Schwenckfeldt. Als sich der H. Paulus gegen seinem loben. Timoth. fast beklaget het/Phileti/Hymenei/so von der warheit vnd Christlichen glauben/auch andere mit sich in die gruben des vnglaubens vnd verderbens gezogen/damit der aufferwehlt Timotheus/sampt der Kirchen Gottes/vnd allen gläubigen/nicht etwa einem gemeinen vndergang vnd Schiffbruch Christlicher/newlich gepflankter religion zubeforgen/tröstet er sich forth/vnd sagt. Aber der feste grundt Gottes bestehet/welcher ist Christus/1. Corint. 3. das ist/der glaubt ahn Jesum Christum/die ware Apostolische Lehr/wirdt nimmer mehr vergehn/warumb das? er hat (nemblich diser grundt) dis Insigel oder wahrzeichen der Herz hat erkennet die seine/vnd es wiche ab von der vngerechtigkeith/der den namen des Herrn ahnrüfft. Das ist/dise religion ist versigelt/versehen/vnnd festiglich bewahret. Erstlich das **Q** D T die seine kennet/das ist von Ewigkeit

So gute vnd böse in sich begreiffet.

vide Aug. trakt. 45. in Ioan.

Niemand kan sagen/er hab den Geist Christi/vnd sey also von im erkandt/erwöhlet vnnd geliebet/so kan er auch dann/nicht wissen/ob er in der Kirchen sey/dieweil die Kirch allein den aufferwehltten zusiehet/wie Schwenckfeldt sagt/so kan er auch nit wissen/ob er selig werde/denn außser der Kirchen ist kein seligkeit.



Die 3. Schwentfeldische Schlußrede.

ihm etliche Schäflein erwehlet hatt/die seine stimme/ Johannis 10. hören werden/die auch niemandt auß seiner handt reißen/weil aber solches durch den Glauben anfangs zugehen muß/dann durch den/werden die aufferwehltten/so von Ewigkeit erwehlet/zu Christo beruffen vnd geladen/so wirt auch diser Glaub/dis fundament bestehen/es falle dann ab/wer da wolle. Auch alle die/den namen Christi anruffen/werden alle Vngerechtigkeit fliehen/vnd also thätlich/ahn tag geben/das sie Gott beruffen/vnd sie in rechter Göttlicher erkandnuß shres Heils vnd Seligkeit annemen/da denn/glaub vnd gerechtigkeit werden ewig bestehn/da wirt weder Philetus oder Schwentfeldius/weder Cham oder sonst etwa ein gottloser vnrätiger Mann/die Kirch mögen einwerffen/vnd das fundament/darauff sie gesetzt/zersprengen.

Da siehestu Schwentfeldt/das diser orth/stracks wider dich ist/erhelt vnd bestattet die Kirch Gottes vnd dem Christlichen glauben/welchem weder Keker/noch Gottlosen (so für vnd für in der Kirchen gewesen) vergwältigen/tilgen vnd gänzlich außreuten mögen/denn in ewiger Göttlicher predestination/Christus seine aufferwehltten schon in das Buch der lebendigen geschriben/so allezeit eufferlich vnd jedermeniglich shren glauben zum heil bekennen werden/zun Römern am 10. durch welcher bekandnuß/leben handel vnd Christlichen wandel/die Kirch/nicht Christo allein/sondern der gansen Welt bekandt ist/vnd sie die glider diser Kirchen/auch einander sehen vnd kennen/so müssen denn zu grund gehn.

Die

in Theſes verfaßt.

Die 3. Proposition.

Chriftus nach verbrachtem ampt vnſer Erlös-
löſung hat den Heiligen Geiſt herab geſen-
det / zu erbarung ſeiner Kirchen / oder zur ver-
ſammlung der Kinder Gottes / etliche zu Apoſte-
len / etliche aber zu Propheten / etliche zu Euange-
liſten / Hirten vnd Lehrern geordnet vnd geſetzt.
zu den Ephesern am vierdten. Wie es aber diſer
zeit / vmb ſolche Apoſtoliſche Empter ſiehe / vnd
wo ſie heut in Perſonen / in ihrer vbung vnd gan-
ge vorhanden / auch wo die euſſerliche gemein
Gottes Kirch verſamlet ſey zu finden / das wiſſen
wir nicht. So weit Schweneckfeldt.

3. Rechen-
ſchafft. 166

Du ſolt es
darnach er-
ſehen.

Die 4. Proposition.

Warumb' aber die rechte Apoſtoliſche Kirch / nier-
gends zu finden / gibe Schweneckfeldt / diſe vrsach. 4. Rechen-
ſol. 2.
Es iſt / ſagt er / vilen bekandt der Abfall /
zerſtörung vnd verwüſtung der verſamleten Kir-
chen / vnd ihrer glider / vnd ſie haltens darfür /
daß die euſſerliche Heilige Kirch Chriſti / bey die-
ſem jetzigen Euangelio / noch nit ſey reſtituiert / wi-
der erbarvet / vnd verſamlet / welches / ſagt er / die
mancherley Secten / ſpaltung / tyrannen vber die
gewiſſen / freuele vrtheil / vnd anders mehr auß-
weiſen. Hæc ille.

Odu

Die 3. Schwentfeldische Schlussrede.

Du arm vnd schwachglaubiger Schwentfeldt hetteff du/die augen besser auffgethan/ da du 2. Timoth. 2. daß der Herr/die seine Kenne gefunden (so vbel von dir verstanden/ deine vnerfahrenheit/ im Göttlichen wort an den tag bracht/ vnd dich in Jrsal geführet hat) so hetteff du Philetum vnnnd Hymeneum/ so auß dem grossen hauß der Christlichen Kircken/sampt andern Keckern getreten/ gesehen/ auch in dem grossen Hauß der Christlichen Kircken Guldine vnd Hölzene geschirz/ gute vnd böse leuth gefunden/vnd darauß abnehmen vnd schliefßen sollen.

Es heisset den schwachglaubigen nemet auff. Rom. 14. den ungehorsamen haltet für einen feindt/sonder straffer zu als einen Bruder.

Es heisset aber nit wegen der bösen/ verlasset die Kirck/vnd richtet ein newe an 2. Theff. 3.

Ist die Apostolische Christlich Kirck/ frü vnd bey Apostolischer zeit/wegen der unwürdigen vnd ungehorsamen losen Christen/nicht eingefallen/warumb denn hinfurter? Jerhoz. vnd jemaln? vnd ebendiser vrsachen? Also hast du auch zu bald/in der Epistle in zu den Ephesern ahm vier ten/ abgebrochen/ vnd nicht/ lesen wollen/ daß Pastores & Doctores/Hirten vnd Lehrer/vnd als die eufferliche sichtliche Kirck/ seyn vnd bestehn werde/ so lang bis daß wir alle einander begegnen in einigkeit des glaubens/ in vollkommenem alter/nach der masse/ des alters Christi. Welches freynlich am Jüngsten tag geschehen/vnd also die Kirck/ für vnd für bleiben wirdt. Hie frag ich dich/mit deinen eignen wortē/wie du Illyricum vnnnd Lutherischen Predicanten gefragt hast. Vlleicht meinst du Schwentfeldt. Der Herr vnd regierende gnaden König/ sey re ses vnd hab sein aisse. (so er durch Hirten vnd Lehr vbet) der iustification/ Lehr vnd Seligmachung des Menschen/ alles dir vnd deinen Gesellen besorgen? oder vlleicht gewartet vnd geharret auff dich?

Schwenck
lib. contra
Illyricum.

Die

In Theses verfasst.

Die 5. Proposition.

Weiter lehret vnd bekendt Schwencsfeldt/er
vnd die seinige haben keine Kirch / ir seyen ^{5.} ^{Rechen}
gar wenig / die erkenne / man widerspreche ^{schaffe}
diser Secten / an allen orten / vnd hefftig / ^{fol. 8. 9. 10.}

Die 6. Proposition.

Sist / bey den Protestierenden auch keine
Kirch / sagt Schwencsfeldt / lib. quæstionū de
ecclesia. q. 27. & 28. Da / diß zubeweisen / Schwencs-
feldt: Lutherum anzeuget / Postil. Dominica 22. Trinitatis
sup. Cit. vnd führet wider die Lutheraner / folgendes argu-
ment bey der rechten vñ warē Kirche / ist auch ein ware rechte
Lehr (pater hoc, Ephes. 4. 1. Timoth. 3. Johan. 4.) aber bey
den Lutheranern ist ein falsche Lehr / so folget denn / das auch
bey ihnen sey ein falsche Kirch. Das aber / bey ihnen ein fal-
sche Lehr sey / beweiset Schwencsfeldt also. Die Lehr ist
falsch / auß welcher / derselben verwandten vñnd zugethane /
werden ärger / böser vnd gottloser / diß geschicht / bey den Pro-
testierenden Lehr / Ergo / so ist sie falsch vnd nicht von Gott /
ist dem also / so kan auch ihre Kirch nicht seyn / Gottes Kirch.
Das aber die Leuth bey der Lutherischer Lehr ärger vnd böser
werden / beweiset Schwencsfeldt / mit Luthero selbst in anger-
zogener Postill / da Luther diß sagt / klagt / sa lehret es müsse also
so seyn / das die Leuth vnderm Euangelio gottloser seyen (ich
hab vermeint / ein guter Baum bringe gute frucht) diß ist
Schwencsfeldts probation / mit welcher er den Lutheranern /
die Kirchen abstrickt. Noch einest ist alhie / zuwissen / vonnö-
then. Das Luther anno 30. öffentlich auff der Cansel zu Wit-
temberg in der Pfar. kirchen / also vber seine Euangelische /
geklagt / vnd geschryen hat (wiewol selbigen Jars sein Euan-
gelis

Caspar Schwencfelds Lehr/ Glauben/ 2c.

gelium am besten vnd vollkomlichsten gewesen/ als Aurifar-
ber/ in der Vorred/ der Tischreden zeuget) vnd gesagt/ das
Bawr/ Burger vnd Adel dem Euangelio eitel hindernuß/
schand vnd schaden seyen / wolt ihnen wünschen / sie weren
noch vnderm Bapstthumb / weiter klagt daselbst Luther/
wenn man den Predicanten ire zins/ 2c. abgestriekt sie zu Cas-
lefactorn vnd Stubenheißern / Bottenläuffern vnd Brieffe-
trägern gemacht / als denn bereden sich die seinige / sie seyen
gut Euangelisch / thun keine sünd / darumb sie ihn / ein gewis-
sen machen dörrffen / vnd verlassen sich drauff / das der arm-
mann / ihr Pfarherz in wol vergeben müsse. Das aber die
Lutheraner / krafft vnd vermöge irer Lehr / gottlos werden/
zeuget Schmidel / in der 4. Predig vonden irdisch: in folgen-
den worten. Wir haben / sprechen sie / gelehnet / das wir all-
ein durch den Glauben ahn Jesum Christum selig werden/
der mit seinem todt all vnser sünde bezahlt hat / 2c. Wir wöl-
ten vns allein auff die gnad Gottes / vnd verdienst Christi
verlassen / vnd darmit alle Welt sehen möge / das sie nicht
Bäpstisch seyen / noch sich auff gute Wercke verlassen / so
thun sie auch keins: Anstatt des fasten / fressen vnd sauffen sie
tag vnd nacht / 2c. So weit Schmidel.

Die 7. Proposition.

7.
Rechen-
schafft.
fol. 2. lib. 99.
9. 30. 31. 32.

Es fährt Schwencfeldt forth / vnd nimpt vns alle
mittel / weg vnd steg / die Kirchen wider zuuerbawen/
verdammet vnd verbannet alles / wider seinen vort-
gen verheiß / was nicht Schwencfeldisch ist vnd schreibt.
Wo aber das erkantnuß Christi / nach dem geist /
vnd nach seiner Himilischen newigkeit nicht ist /
noch daruon richtig gelehret wirdt / darinn doch
vnser Seligkeit stehet / da halten wir eigentlich/
das

daß bey ſolchen kein rechter Glaub / auch kein verſtandt der Sacrament / vñnd ihrer geheimniſſen / ſo wol / als kein rechter brauch derſelben / der nach dem willen der eynſetzung Chriſti were / ſeyn kan. So weit Schwencckfeldt / zc.

Was aber Chriſtus nach dem Geiſt / vñnd ſeiner Himmieliſchen Newigkeit ſey / hat der gñnſtige Leſer droben verſtanden in der letzten Propoſition von der Gottheit / vñnd iſt / das Chriſtus auch nach ſeiner Menſchheit Gott / vñnd die andere Perſon / in der Heiligen Dreyfaltigkeit ſey. Dieſer Gottesläſterung / widerſpricht man ahn allen orten / vñnd hefftig / vñnd nennet / ſie (ſagt Caſpar Schwencckfeldt ſelbſt) Spißſindigkeit / Irthumb vñnd Keſerey / weil nun diſe Newigkeit / Keſerey iſt / (ohne welche doch / nach Schwencckfeldts Imeynung / kein Kirche beſtehen kan / vñnd alles vnglauben vñnd mißbrauch iſt) ſo folget / das wir nimmer zur Kirchen / (da keine were) gelangen möchten / dann diſer Keſerey wider ſpricht ſeder man hefftig / vñnd kan man diſen grunde vñnd Fundament zur Kirchen nicht legen / müſſen alſo ewig durch Caſpar Schwencckfeldt der Kirchen beraubt ſeyn / dieweil wir ſeiner Lehr nit bey pflichten wollen / noch ſollen / zc.

Vide lib.
Queſtio. de
Eccleſia.
130 & 27.

Es gemahnet mich deß Caſpar Schwencckfeldts / als die Schmeichler des Alexandri Magni / die nenneten ihn einen Gott. Da aber Alexander Magni auff ein zeit / ſein blude abſah / ſo auß ſeiner Wunden floß / ſagt er zu dem Schmeichler / Ein ſolches bludt / pfleget zu fließen / von den verſterblichen Göttern.

E 2 Wir

Wir wollen aber diß fundament vndergraben / klärlich
ahn tag geben / das Schwencfeldt vnbillich was verdampft
habe. So sehe ich den / dem Schwencfeldt entgegen / die Be-
kantnuß des H. Apostels Thome / auff doch / Schwencfeldt
vast bawt / mein Herz vnd Gott / sagt Thomas / Joannis 20.
das wörte in / Herz / geht auff die Menschheit Christi / nach
welcher Christus ist erhöbet worden / einen namen vber alle
namen bekommen / vnd billich ein Herz aller herrschenden
wirt / durch diß wort / hat in Thomas / einen waren menschen
vnd Herren erkandt / gleich wol / seine Gottheit mit bekandt
2c. Er hat seine handt gesehen / sein handt in das maal der sei-
ten gelegt / wie ist denn / der nit ein warer Mensch / der handt
vnd füß / seiten / vnd wunden maal hat? Diß hast du alles in
Christo / nach seiner Aufferstehung vnd verklärung / lieber
Schwencfeldt / was zweifelst du ahn der warheit Christi /
waren Menschheit / sehe doch seine hand / füß / füle vnd greiffe
es / das ein geist / (wie Gott dann ein geist ist) kein fleisch vnd
bein hat / wie in Christo zusehen. Höre ihn / lieblich mit dem
H. Apostolo Paulo sprachen. Actor. 9. Welches / alles vn-
möglich / wenn die Menschheit Christi zur Gottheit geboren
were.

Luc. 24.

Die 3. Proposition.

7.
Prafatione
lib. Anst. de
Ecclesia.
Rechen-
schafft.
fol. 5.

Aufferhalb der Kirchen kan niemandt selig
werden / vnd nach aller Theologen vnd erst-
glaubigen meinung auffer Kirchen seind kei-
ne Sacrament / den die Sacrament / seind Christi
der Kirchen vnd irer glider Sacrament / 2c.

Durch dise Proposition / nach Schwencfeldts meinung
verstanden / verdammet / vns allhie Schweinfeldt alle auff
einen hauffen / Das beweiß also. Auffer der Kirchen seynd
kein Sacrament / nach der z nützlicher brauch / sagt Schwenc-
feldt

feldt. Nun aber weder er / oder einige Parthey die rechte
 Kirch / denn sie ist / ihm eyngefallen / vnd bey dem jetzigen
 Euangelio noch mit erbawet / Es ist ihm nichts dauon / von
 Gott offenbart / ey so haben wir / wie er will weder Kirch / o-
 der Sacrament / wo nemen wir denn die Seligkeit / denn in
 der Kirchen ist die Seligkeit / Die ist Schwencckfeldt einge-
 fallen. Ergo / so seind wir alle erschlagen. Wiemol Schwencck
 feldt seltsam / vnd wunderbarlich mit der Kirchen bis anhe-
 ro vmbgangen / so ist ihm doch die warheit einmahl entfals-
 len / in Latinschem Buch / Quaestiones de ecclesia / wie folgt.
 Bey vnd zu diser zeit / seynd vil Kirchen / Secten /
 Gemeine / orten oder gesellschaften. Aber dis ist
 gewiß vnd offenbar / daß nur sey / ein Heilige / Ca-
 tholische / Allgemeine / Christliche Kirch / welche
 wie er sagt / wie in dem Symbolo / der Artikel vn-
 sers Glaubens vnd Bekandnuß / wir bekennen.
 Die ist Christi leib vnd Gottes Kirch / welche
 Christus durch sein Blut ertöset vnd errettet hat.
 Die er durch den Heiligen Geist erbawet / regiert /
 lehret / welcher glider / er mit seinem gnaden erfül-
 let / Diser gibt er auch ware diener / sendet vnd
 schicket in seine ärnde Prediger / Lehrer vnd Ar-
 beiter. In diser Kirchen neben obgesagte dienern /
 ist die des Worts / Heilige schrift / Sacrament /
 Kirchliche disciplin / vnd anders mehr / sha er / be-
 weist / wider sich selbst / daß der bundt Christi vnd
 der Kirchen ewig sey. Auß Esaia. am 54. So weit
 Schwencckfeldt.

Al d wort
 vnter
 hith
 vnter
 1. 30

9. Praesae.
 Questio de
 Ecclesia.

Schwencck.
 die ist ein
 eufferliche
 sichtbarliche
 Kirch.

ibid. de ministrio.



Tom. 6 lib.
de utilitate
credendi ad
honoratum.
cap. 3.

† Nota.

Quod
an
omnibus
vultu
qm.

e. 8 lib. cit.
ad hono.

Diesen Artikel/das vnder vilen Secten/doch eigentlich/
eine Kirch sey/hat Schwenckfeldt entlehnet von dem Hri-
ligen Augustino/Wolt G Du diese Lehr würde/von jeders
man/nach der meinung dieses Hocheleuchten Mannes/ ange-
nommen. Denn das ein ware Kirch sey/nicht vergehe/sonder in
ewig besthe/wirdt nit allein auß berühmten Esai. Sondern
gantz herrlich/ Jerem. 31. bewisen. Da she die Sonn ihr tag
liecht/der Mohn vnd Stern/bey nacht den schein verlieren/
vnd das Meer vnd Meerwellen ihr prausen vnd ungestü-
migkeit lassen/sader glaubige newe Israhelitisch Saam ver-
gehn soll. Wie ist es aber nun möglich/das ein solche Kirch
möge eynfallen/vergehen vnd zerstoret werden/welche der
Allmächtig Gott/so starck/mächtig vnd herrlich erbawet
vnd versehen hat? Welche Christus requiert/lehret/schmus-
cket/zieret die/vnd Prediger schicket? Wie ist es auch mög-
lich/das bey leiblichen sichtbaren Hirten vnd Lehrern/eus-
serlichem gehör/schrifflichem vnd mündlichem wort Got-
tes sichtbaren Sacramenten/offentlicher gemeiner predig/
eusserlicher Kirchischen disciplin/straff vnd zucht der ubers-
trecker/die Kirch doch muß innerlich seyn vnd geistlich blei-
ben? Wie solt man auch nicht wissen/wo die Kirch/die so
statlich versehen/zufinden? vnd welche die sey? Dis ist/
Schwenckfeldt die rechte Kirch/die du nicht wissen wilt/
von welcher der h. Augustinus sagt/das sie von Christo selbs-
ten/durch die Aposteln auff vns gestossen/vnd von daüen/
auff die nachkömling vnd liebe posteritet manieren/ fließen/
sich ergießen vnd außbreiten wirdt. Leser lieber Schwenck-
feldt/das 7. 8. 9. vnd folgende Capitul/berhärten Augustini
Buchs/so hast du die wahre einige Kirchen/durch vorzei-
nung

† Nota. Hunc loc. Iere. Caluini: ipse allegat Qui parum Schwenckfeldio uariare
iactat, ante suum tempus nullam fuisse uere Ecclesie faciem Deinde ex eod. fundamentis
2. ad Tim. 2. Occultam eam fugebat tandem ueritate adactus, semper Ecclesiam fuisse ac
nullo non tempore futuram. Ex Iere. 31. probauit. vide prefat. iustit. & lib. 4. C. 6

nung Göttlicher Schrift vnd wegweisung Augustini gesehen vnd gefunden/ ssa/ handgreifflich erfahren/ vnder vilen Ketzerischen versamlungen/ der H. Augustinus/ allein/ die Catholische Römische Kirch/ für die einige/ ware vnd seligmachende Kirchen/ erkandt/ vnd Honorato gezeiget habe. Dann lieber Caspar/ wie het der Heilig Augustinus/ von dir/ Luthero/ Caluino/ vnd andern Scitischen zeugen können/ 2c. waret jr damaln/ noch in Adams garten? Ja wilt du es recht wissen/ Augustinus hat euch alle verdampft/ vnd für Ketzer verbannet/ ehe jr in Mutter leib empfangen worden/ in dem der H. Matz/ die alte leser (deren Lehr ihr wider herfür bringet) verdampft hat/ vnd verbannet. Vnd souil dißmahl von Schwentfeldischen Kirchen meinung.

Vom glauben Göttlicher gnaden/ sünden vnd Gerechtfertigung des Sünder/ 2c. Schwentfeldische Artickel.

Die 1. Proposition.

DEr da lehret Predigen vnd außlegen das Euangelium/ ist aber ohn den waren glauben/ vñ außser Göttlichen gnaden/ der sündiget. Das ist ein Jud/ Türck/ Heyd vnd jeder vngläubiger/ Thut sünd/ wenn er das wort Gottes höret. Disen groben vngläublichen Irthumb hat er/ lib. de cursu verbi/ 2c. in disen Latinschen worten: Quicquid non fit ex fide peccatum est, & ided cōsequitur, etiam externam auditionem euangelij, si sine fide, & gratia sit prauia, à peccato non esse immunem.

Ex li. de cursu verbi, fo. 5

Es

Aus diesem stinckenden orth / folget zum ersten / das kein
Türk / Jud vnd vngläubiger / wie er auch namē hat / macht
habe das wort Gottes zu hören. Dann alle Sünd vnd vnges-
ichtigkeit ist verboten vnd niemande zugelassen / nu aber / ist
es sündlich / ohn glauben vnd gnad Gottes sein wort hören /
so dörfens / die vngläubige nicht thun / denn sie weder glau-
ben / oder Göttliche gnad / die im vngläubigen herken nicht
ruhet / haben.

Zum andern folget / das man nicht habe macht / den vn-
gläubigen zu predigen / Dann / wer zu eines andern sünden /
rhat / that vnd hilff leistet / der ist auch derselbigen pflichtig /
weil sie es darin nicht hören können / man predigen den / so
muß mans nit predigen / oder man sündiget / dann sene dörf-
ens ohne sünd nicht hören.

Wann das war were / so hetten die lieben Apostelen am meisten gesündiget /
da sie sich in die vngläubige Welt begeben / ja Christus selbst het gesündiget / des-
se zum vngläubigen gesandt hat.

Zum dritten folget / das alle natürliche tugend / herrliche
Policy / Ordnung / handhabung der Gerechtigkeit / 2c. So
bey den Römern vnd andern Heidnischen Völkern / im
brauch / sünden vnd vngerecht gewesen seyn. Dann in der
Heidenschafft / seind sie des waren glaubens / als auch Gött-
licher gnaden beraubt gewesen.

Item / zum vierdten folget / das ein armer Sünder / das
wort Gottes nicht hören möge / dann wiewol / er den glau-
ben Christi hat / so ist er doch selbigen mals in seinem sündli-
chem standt / göttlicher gnaden beraubt / 2c.

Die 2. Proposition

Es ist auch alle Predig vnd Lehre / sagt
Schwöckfeldt / inanis eitel vnd vnsont / Es
sey denn zugewen / ein gläubig newgeboren
herk /

^{2.}
ibi. de cursu.

in Theses verfaßt.

hertz / vnd stehen denn offen die ohren daß innerli-
chen menscheng. Das Christus sagt / wer ohren
hat zu hören / der höre / Vnd das ihm. Vos qui secu-
ti estis me in regeneratione. Hæc ille.

Ich sage / Schwencckfeldt / der hand hat / der taste vnd
greiff es / das du der Schrift gewalt thust / vnd das trostre-
iche wort Gottes allen vnglaubigen vnd armen Sündern all
hie abstrickst.

Es kan auch das wort Gottes / nit angenom-
men oder verstanden werden / den von erleuchten
gemüthern / so durch Jesum Christum / im licht
des glaubens vnd Göttlicher gnaden zuvor be-
reit seyn. So weit Schwencckfeldt / re.

Auß obgesetzter Schwencckfeldischer meinung / folgt das
alle Heiden / welchen die Aposteln / ihre Jünger vnd Nach-
fahren / in der Heidenschaft geprediget / zuvor / glaubig /
durch den H. Geist wider geboren / vnd erleuchte leuth gewe-
sen seyn / Sonst will Schwencckfeldt / alle Predig seyn / in-
anis / das ist eitel vnd nichtig. Ist diß nicht wider alle ver-
nunfft / gewisse experientis vnd erfahrung / wider alle Histo-
rien / Ich will Göttliche worts verschweigen / welches / die
lieben Aposteln / Matth. 28. vnd Mar. 16. auff alle Völcker
vnd Creaturen so von Christo / weniger als nichts wußten /
gewisen. Denn es stehet daselbst / docere / lehret sie / Ergo /
wußten sie nichts dauon. Item / Qui crediderit / wer glauben
wird / Ergo so glaubten sie noch nit / sondern / ward also den
Heiden frey gestellt / ob sie glauben wolten oder nit. Hie muß
nur Schwencckfeldt beweisen. Daß alle Völcker der Welt /
vor der Aposteln ankunfft / lehr vñ predig / von dem H. Geist
widergeborn / erleuchte leuth vnd glaubig gewesen / solte an-
derß

Caspar Schwenckfelds Lehr/ Glauben/te.

derst der Aposteln wort / bey ihnen hafften / vnd von ihnen verstanden werden / welches ein öffentliche lügen ist / vnd die Aposteln also allein den gläubigen hetten geprediget / oder aber / folget vnd ist war / wie es dann war ist / daß zu der predig nicht ein new vnd widergeboren / erleucht vnd gläubig hertz allezeit erfordert werde / vnd das Schwenckfeldt dißfahls noch nit recht im glauben sey erleucht gewesen/te.

Die 4. Proposition.

4.
Ra cursu.

Der glaub ist ein Himlische gab / er ist die gerechtigkeit / so vom Himmel herab schawet / den menschen reiniget / das Hertz verändert vnd umbwendet/te.

Die 5. Proposition.

5.
bid.

Der glaub ist Göttlicher natur von dem lebendigmachenden wort Gottes / hero fließend/te.

Die 6. Proposition.

6.
En Cnochyf.

Summa sagt Schwenckfeldt / der recht glaub ist ein wesentliche ergreifung / Summa vnd empfängnuß der Göttlichen gerechtigkeit / weisheit vnd wahrheit / welche nicht anders ist / denn vnser Herz Jesus Christ/te.

Die 7. Proposition

7.
En lib.
Ein christliche
vnderweisung.

Drum sagt Schwenckfeldt / noch kurz / drum soll der Mensch / fromb vnd selig werden / daß muß thun daß bludt Christi / das ist der Geist / die Liebe / der Glaub / das lebendige wort Gottes / das alles ist ein ding / vnd ist Christus. So weit Schwenckfeldt/

Ben

Beÿ vorgesehten vierem Schwentckfeldischen Artickeln/
Ist lauter Irzung vnd Keſerey/ das einig außgenommen/
das der Glaub sey ein gab Gottes/ doch auch solche gab nicht
wie Schwentckfeldt in selbst erdichtet hat/ vnd zum ersten/
wer het es wunderbarlicher treumen oder in einander Gau-
ckeln sollen/ daß bey Schwentckfelden/ blut vnd glaub/
leib vnd geist/ blut vnd geist/ Christus vnd glaub / alles ein
ding ist. Item ist nicht seltsam / Da Schwentckfeldt/ auß
glauben/ blut vnd geist / macht daß lebendigmachend wort
Gottes? Soll man auch solche paradoxa/ vnd/ in glaubens
sachen vber aller Meerwunder/ wunderbarlichere Lehr wis-
derlegen? Wartlich solche erschrockliche abschewlichkeit der
lehr/ ist keiner verantwortung wert. Den weñ man nur dise
Meerwunderliche lehr/ liest/ oder lesen höret/ so muß ein je-
der sage/ daß der geist nit von Gott gewesen sey/ der sie auff-
bracht hat. Den wie ist Christus/ ein glaub? der warer Gott
vnd Mensch ist/ in welchem der glaub kein raum/ jemaln ges-
habt? Denn Christo/ nicht im glauben/ sondern im Göttli-
chen wort alles zugegen war. 28.

Auch Christus nach seinem blut vnd menscheit/ ist nit daß
lebendigmachend wort/ sondern ein warer Mensch/ wie dro-
ben/ bey dem Artickeln von der Kirchen/ vn̄ son gelert ist wor-
den. Eben so seltsam. wo nicht seltsamer ist es/ da Schwentck-
feldt den glauben nennet / ein wesentliche ergriffung / sum-
mam vnd empfangnuß Göttlicher gerechtigkeit / weißheit
vnd warheit/ denn in Gott/ ist seine gerechtigkeit / weißheit/
vnd warheit/ nichts anders/ den seine allmächtige/ vnzerren-
liche/ vnermeßliche Gottheit/ soll nun der glaub nit anderst
seyn/ den ein wesentliche ergriffung / empfangnuß behür-
ter Göttlicher gerechtigkeit. So folget/ vnwidersprechlich/
daß der Mensch bey ahnnehmung des glaubens / empfahe
warhaffig vnd wesentlich/ die wahre Gottheit / vnd das im
GOTT vnd sein wesen/ vereinbart werde/ weniger nicht

*Simplicitas
siquidem di-
uina essentia
nullam omni-
no diuinitati
attribuorū
partur di-
stractionem.*

Caspar Schwenckfeldts Lehr/ Glaub en/ze.

denn wie bey der Menschwerdung Christi geschehen / zc.
Das ist auch Schwenckfeldts meinung / wie bey nachfolgender Proposition zusehen / vns bringen solches gewiß mit sich dise wörter / wesentliche ergreiffung / empfangnuß / summa / zc.

Schwenckf.
diuinitas in
summa con
trahi non po
test, immen
sibilis immen
sa infinita
est.
Quid ni diui
num illud sit
quod Deus
est

Als werde die ganze Gottheit / in einer Summa / (sich Schwenckfeldt / so vil sich das Meer laßt in ein summa fassen / ziehen vnd jemandt eingießen) mit marck / safft vnd allmacht / zc. Dem menschen von Gott eingegossen / vom menschen aber ergriffen / empfangen vnd genossen. Also muß im denn / der Glaub / billich Göttlicher naturē seyn. ja ist nichts anderst / denn Gott selbst wie gesagt / dahin denn Schwenckfeldt gesehen / da er den glauben nennet / die / von dem Himmel schawende Gerechtigkeit / welche nichts anderst ist / dann Gott Vatter vnd erste Person der H. Dreyfaltigkeit / wie der König David zeuget / Psalm. 84. die / warheit ist auß der erden entsprossen / vnd die Gerechtigkeit hat von dem Himmel gesehen. Hie meiner der H. Prophet / durch die / vom Himmel schawende Gerechtigkeit nichts / vnd niemandt anderst / denn Gott den Himlischen Vatter / welcher nach dem die warheit / so Christus ist Joan. 14. Auß der Erden / auß dem Jungfräwlichen Leib / der H. Mariae auffgangen vnd geboren worden / hat die Gerechtigkeit / Gott Vatter vom Himmel herab / auff vns arme Sünder gesehen / die / straff vnd verdammnuß / welche wir verdienet / vnd auff vns geladen / von vns genommen / ja vns zu Gnaden an vnd auffgenommen. Ist nun der glaub / wie Schwenckfeldt sagt / dise Gerechtigkeit vnd Gott Vatter selbst. So folgt wider / wie zuor / das der Mensch / bey ahnnehmung des glaubens / Gott den Vattern empfahe / ergreiffe vnd anneme / vñ wie vmb vnsers heits willen / einmal das wort ist fleisch worden. Joan. 1. das auch täglich bey allen gläubigen / Gott Vatter
fleisch

in Theſes verfaßt

ſiech werde / die Menſchliche natur aller gläubigen annehme / vnd der Himmliſch Vater ſelbſt / allen gläubigen vereinbart werde. Also vnwahr iſt es auch das Schwenckfeldt / Chriſtum vnſern Herrn / neſſet / Gottes Gerechtigkeit / die weil Schwenckfeldt bey Chriſto / allezeit / ſeine Menſchheit verſtehet. Deñ wie gehört / ſo iſt Gottes weſentliche Gerechtigkeit / nichts anderſt denn Gott ſelbſt / vnd kan also nit Chriſtus ſeyn / ſo ſeiner Menſchlichen natur nach / von der erden auffgangen / vnd dißfalls / ſo wenig Gott ſeyn kan / als die erden / auß welcher er / gewachſen vnd entſproſſen iſt. /c.

De Iuſtificatione, Von Rechtfertigung des Sünders.

Die 8. Propoſition.

Auß geſetztem Schwenckfeldiſchen Irthum Amen. Volget wie ich ſetzt vermeldet / daß vnſere gerechtigkeit / Gott ſelbſt ſey / vnd daß vns Gott vereinbart werde. Welches deñ Schwenckfeldt ſchreibt / in folgenden Worten. Darumb lehren die Gottsgelehrten (Schweinfelder) ihre Juſtification vnd Chriſtliche gerechtigkeit / also durch den glauben in Chriſtum ſuchen / daß ſie ihnen nicht allein zugerechnet / vnd außwendig ihnen bleibe / ſonder / daß ſie inwendig warhafftig / weſentlich vñ würcklich / der gerechtigkeit vnd frombkeit Gottes / in ihrer Seel / herß vnd gewiſſen / theilhafftig werden. Hac Schwenckfel.

Lib. vom vn
derſcheid
des gots.
fol. 6.

§ 3 Nun

Caspar Schwenckfeldts Lehr/Blauben/26.

Nun aber ist droben bewisen / das die gerechtigkeit Gottes selbst / vnd von seinem wesen nicht abgesündere sey. Ergo/so folget / einen weg als den andern / das vns G. Die selbste zu ertheilet vnd vereiniget werde.

Auff dise weis hat vns Schwenckfeldt alle in Götter gemacht / vnd ist nun nichts neues / das der Son Gottes Mensch worden.

Item/am selben ort. Ire der Gottes gelehrt (Schwenckfelder) Justification/ Ist Christus selbst / mit seiner lebendigen empfindlichkeit vnd ernewerung des heiligen im H. geist. Widerumb daselbsten. Gott helt keinen vor gerecht / in dem gar nichts ist in seiner wesentlichen gerechtigkeit.

Die 9. Proposition.

Libel. de di. in maieff. Catechis. cit.
† Nota.
Dieweil nun aber ein irthumb / den andern zenget / gebietet vnd fortpflanzet / so laist es Schwenckfeldt mit darbey / das Gott in gerechtmachung des Sünders / im wesentlichen zu ertheilt werde. vñ vereiniget / sonder sehet vns disen artickel. Gott macht alle Creatur auß nichts. Aber seine kinder (dadurch er die gläubigē verstehet) die macht er auß ihme selbst / auß seiner Göttlichen natur vnd wesen. Vnd im berührten Catechis. sagt er / das die Kinder Gottes / on mittel auß Gott / von obē herab / auß dem vnuergentlichen sōnen / seines lebendigen worts / geboren werden. Hæc ille, &c.

† Nota / Disen / so vnmenschlichen irthumb hab ich nicht glauben wollen / denn ich die Schwenckfelder für so grosse Thoren nicht achten können / bis ich in ihrau Büchlein selbst gelesen.

Eins befrembd mich nu gar sehr / das Schwenckfeldt / vñ seine

Schwenckfeldt versteht bey dem lebendigen wort / den sohn Gottes selbst / welches ist das wort / so im anfang war / in welchem alles leben war / Joan. 1.

Caspar Schwenckfelds Lehr / Glauben / 2c.

Hie sieht man wie vnbestendig vnd irrung Schwenckfeldt mit seiner Lehr vmbgangen sey. Denn zuuor / must es daß Göttlich wesen allein thun / vns gerecht vnd seligmachen / jetzt aber / ist Christi / vnd dem Schwenckfeldt erdichte newwigkeit / so kräftig vnd mechtig / das sie vns selig macht / sha der arme Schuler / vnderstehet solches auß dem Esai. zu erbette. Aber lieber Schwenckfeldt. du hast es gesagt / daß jeder man an allen orten vnd heftig / diser newigkeit / als einem Spisfundt / irrthumb vnd Ketzerey widersprech / vnd so hablich sie schon zwey mahl als ein newes / newlich von dir erdachtes Plauderment / in Articulen von der Gottheit / vnd Kirchen zu grund gefelle / dabey ichs denn bleiben lasse / so kanst du nun wol leichtlich erachten / das wir vnserere Gerechtigkeit vnd Seligkeit auff keinen Spisfundt / Ketzerey vnd irrthumb setzen können. Esaias aber der Prophet hat von deiner newigkeit / nie getreumet / dann er / allein von dem lebendigen glauben redet / durch welchen wir Gott recht erkennen / vnd gerecht werden / Rom. 4.

Esai. 53.

Die 33. Proposition.

Toto lib.
Vom vnder-
scheid des
Gotts vnd
Schriftige
lehren.

In der Gerechtfertigung des Sünders / verwürfft Schwenckfeldt der Protestierenden iustitiam imputatiuam / oder zu gerechnete Gerechtigkeit. Von diser ist droben vermeldt / dabey ichs bleiben lasse / doch eines muß ich noch anzeigen / das mir / ire iustitia imputatiua so seltsam ist / als des Schwenckfeldts newigkeit. Denn wie kan lieche vnd finsternuß beysamen stehen.

Vom:

in Theses verfasst.

Von den Heiligen Sacramenten.

Die 1. Proposition.

Die Sacrament/seynd von vil hundert ja-
ren her verderbt / verwüster vnnnd in miß-
brauch/abgötterey vnd vnuerstandt kom-
men. Hac Schw. venckfeldt.

1. propof. lib.
Rechen-
schafft.
fol. 5.

Diß kan Schw. venckfeldt nit beweisen sondern meinet die
weil er nun Gott/ vnd Göttlichen wescns theilhaftig wordē/
möge vns/nun neuen Artikel sehen. Er soll aber wissen das
wir/sampt der Kirchen/vnd waren Apostolischen religion/
auch die Sacrament/vnd deren heilsamen brauch von vns
fern vorfahren (seligster gedächtnuß) empfangen haben vnd
behalten.

Die 2. Proposition.

Die Sacrament seynd/ bey dem jetzigen E-
uangelio/nach nicht restituir vnd zu recht
bracht. Dem es beweislich / daß weder
Tauff/nach Nachemahl/ nicht allein nicht / nach
Christi willen gehalten / sondern auch mit ihren
mysterijs/nach heut vertunckelt / vnnnd nicht recht
gelehrt / noch von den Gelehrten / recht bedacht
werden. So weit Schw. venckfeldt.

2.
Rechen-
schafft

Du hast gehört das es Gott lob / ahm waren brauch der
H. Sacrament nicht mangelt doch in diser zweiten propo-
sition die du als falsche Lehrer vnd der H. Sacrament zeis-
ter meinst / die nemen dein vrtheil vnd Censur nicht an / den
es dir / wie du schreibest / noch vil ahm Apostolat mangelt.

Es meine
allhie Schw.
venckfeldt/
die Luche-
raner/wie
im Buch

Ich

Caspar Schwencfeldts Lehr/ Glauben/ &c.

Rechen-
schafftlich zu
sehen.

Ich will dich aber eines gewissen/ auß deiner eigenen Lehr be-
richten. Ist ein Kirch auff erden/ wie denn zu letzt eine von dir
glaubt wirdt/ so seind auch in derselbigen Kirchen ware Sa-
crament/ wie dzoben von Kirchen hast bekandt/ auch in diser
Kirchen ein rechter wahrer brauch gedachter Sacrament/
sonst weren vergeblich ja schädlich dise Sacrament/ &c.

Dise Kirchen aber/ ist die Catholische Römische/ Ergo/ so seind auch da die
rechte/ sampt dem rechten brauch der Heiligen Sacrament.

Die 3. Proposition.

3.
Rechen-
schafft.
fol. 10. 11.

Wir können noch zur zeit (sagt Schwencfeldt)
die Sacrament/ vnder vns nicht dispensie-
ren/ so wenig wir des/ einigen beuelch von
Gott haben. Wir bitten aber vnser Herren Jesum
Christum/ daß er einen rechten brauch/ der H. Sa-
crament/ nach seiner einsetzung eröffnen/ vnd mit
krafft selbst auffrichten wöll/ den es nicht/ in vnser
macht steht/ fürnemlich nach der selbē verfallung/
&c. wann wir gern wolten/ derselben zugebrauchen.
So weit Schwencfeldt/ &c.

Die 4. Proposition.

4.
Rechen-
schafft.
fol. 15.

Wir können vns nach erkandter warheit/ in
keinen abgöttischen vnuerstandt/ noch miß-
brauch mehr begeben/ noch daß Sacrament
jetzt gebrauchen/ bis die einsetzung des H. Erren
Christi nachmals/ mit rechtem verstandt glauben
vnd brauch wider herfür kompt/ wie wir bitten/
vnd hoffen. So weit Schwencfeldt.

Schwencf.

In Theses verfasst.

Schwenckfeldt sñr bittet vñd hoffet, diß fals / mit den vn-
glaubigen Juden / vergeblich vñd vñdsonst. Ir verdammes
auch durch diß Fantastisch mittel vñd nãrrisch hoffen / die
ganze allgemeine Christliche Kirch / so ein Seul vñd grund
fest der warheit ist / vñd der H. Sacrament / von Christo
durch die Aposteln empfangen, denselben vnuerletzt für vñd
für nach der meinung ihres lieben Dreutigams Jesu Christi
behalten vñd vbet. Du hatwest dich selbst / vñd verwundest
dich grob / denn du droben recht vñd warhafftig auß. Esai. 54.
gelehret hast / daß der Bundt Christi / mit seiner Kirchen soll
ewig bestehen. Bleibt denn die Kirch ewig? wie mögen denn
ihre Sacrament / werden verwüstet? oder wie mögen sie ge-
rathen in mißbrauch vñd abgötterey? Sihestu nicht, das hie
der Bundt Christi auch muste also brechen vñd ganz einfals-
len. Nu aber in disen vnzertrẽulichen / vnauflößlichen bundt /
gehören auch die H. Sacrament / als ein fürneme stück / ge-
troffener verbündinuß / vñd neuen Testaments. Denn auch /
vñ zum andern befrembd mich nit ein wenig lieber Schwẽck-
feldt / daß du so vil / von verwüstung verderben vñd mißbrauch
der H. Sacrament weiß / aber vom rechten brauch / vñd wa-
ren verstandt nichts wissen wilt. Hast du doch droben befañt /
von H. Sacramenten sey dir nichts offenbaret? waher weiß
du dann / daß sie verderbet / vñd auß ihrem rechten brauch zu
abgötterey vñd mißverstandt gelanget? Der von mißbrauch
einiges dings redet / dem muß der ware rechte brauch befañt
seyn / sonst kan er daruon so vil der Blinde von der Farben.
Aber ich merck wo du daheim bist / es ist alles verderbet /
tauge sauber nichts / was nicht auß deine newigkeit gericht
ist / darumb müssen die H. Sacrament auch bey dir her hal-
ten / so gar vndergehn / wie hernachey besser soll vernommen
werden.

Die 5. Proposition.

5.
Rechen-
schafft.

WAn bedarff der Heiligē Sacrament nicht/
Sie seynd nicht nothwendig / zu vnserm heil.

Es tröstet vns / sagt Schwenckfeldt / daß
wir von Gott vnd der H. Schrift bericht seynd /
daß vnser Seelen seligkeit / an keinem eusserlichen
ding / als nötig gelegen sey. So weit Schwenckf.

Wir aber lieber Schwenckfeldt / seynd / eines andern vnd
bessern von Gott vnd Göttlicher Schrift berichtet. In wel-
cher wir lesen. Es sey dann / das jemandt wider geboren wer-
de / auß dem Wasser vnd H. Geist / so kan er nicht eingehn /
in das Reich Gottes 2c. Das du aber aus Wasser vnd geist /
allein Geist machest / vnd dir das Wasser verschwindet / ist
eben deine Theology / wie bey CHRISTO auch / da
CHRISTI fleisch vergehen / vnd CHRISTVS allein
geist vnd Gott seyn mus.

Die 6. Proposition.

6.
Rechenschaft
cit lib.
Bericht.

Es ist ein einigs vonnöthen (sagt Schwenck-
feldt) Luc. 10 Ergo so bedarff man nicht vil
Sacrament / also meinet Schwenckfeldt. Item an-

ders wo. Dis ist die summa vnd grundt / Caspar
Schwenckfeldts lehre / das Jesus Christus der
regierender Himmel König / mit seiner gnaden /
vnser ganzer erlöser / auch vnser ganzer seligma-
cher sey im H. Geist / ohne alle neben / oder mitge-
hülffen / der Creaturen / wie sie mögen geneit wer-
den. So weit Schwenckfeldt / 2c.

Hie druck
Schwenck-
den H. Sa-
cramenten
den bodem
ausf.

in Theses verfasst.

Eins ist zwar vonnöthen / Lieber Caspar / vñnd eben diß / daß wir mit Maria Magdalena / den allmächtigen G Du / auch Christum / vnsern Herrn vñnd Heilant einbrünstig / lieb / ben / ihnen forchten / vñnd seine gebott (so vil Menschlich vñnd möglich) auß herztlicher liebe / vñnd ehr erbieung gegen ihme halten. Hoc est enim omnis homo / daß darzu ist / der mensch erschaffen. Ecclesiast. 12. darvon ich ein langes vñnd breites mit dir reden wolt / wann ich gemeinet were / außführlich / vñnd mit striatum oder kürzlich mit dir handeln.

Das aber / allhie Christus / die einige liebe / so ganz feurig in Magdalena brandt / verstanden hab / ist vor tausent jaren / von dem H. Prospero / gar schön vñnd herztlich bewiesen / du magst hie entzwischen / ein gängein mit im thun / vñnd versuchen / ob du ahn statt / dieses seht besagten einigen / so von nöthen deine Himilische vermeinte newigkeit eindringen mögest. Aber lieber Schwennckfeldt / es folget gar nicht / die liebe / ist daß einig / so von nöthen / ergo / so wirt sie ohn einiges mittel / von Gott dem Menschen eingossen / vñnd nicht durch die H. Sacrament erlanget vñnd bekoffen. Diß ist dein Theology / die wir nicht gelten vñnd passieren lassen. Dann hör ein wenig. Ezechielis 36. verspricht der Allmechtig Gott / vñnd sagt: Ich will ober euch gießen / rein oder sauber wasser / vñnd ihr werdet / von allen ewern unreinigkeiten gereiniget werden. Ich will euch geben ein neues Herz / 2. Diesen orth da der Allmechtig G Du / im neuen Testament durch vñnd in krafft / vbergießung des reinen saubern wassers / die sünd zu tilgen vñnd ein neues Herz sampt sein / im geist mit zuheilen / versprochen. Haben die Lehrer der Christlichen Kirchen vor 12 hundert jaren / von der H. sichtslichen Tauff vñnd Göttlichem Sacrament / verstanden / vñnd bezuiget / daß durch diß heilig Wasser badt / der getrew gütige Gott / die sünd alle vñnd sauberkeit hinneime / hingegen aber / durch seine gnad ein neues herz / den H. Geist vñnd also die liebe Gottes den Gleubigen

Prosp. lib. 3.
de vita contemplatiua.
ca. 18.

Opr. li. 1. epi.
vlt. lib. 4.
ep. 7.
Hieroy. &
Theodor in
comment. ar.

Caspar Schwenckfelds Lehr/ Glauben/ re.

In commen-
tario eius lo-
ci.

bigen mitttheile. Wie dann auch der H. Hiero. vnd Kupers.
den offenen brunnen Zach. 13. auff dise eufferliche Christliche
Tauff waschung vnnnd seuberung deuten. Bey welchen du
leichtlich merckē kanst/ dz zwar der Allmechtig Gott/ durch
das verdienst seines eingebornen Sohns / vns seiner gaben/
gnaden/ liebe vnd freuntschafft theilhaftig mache/ aber doch
darzu/ seine H. Sacrament gebrauche/ vnnnd wir eben durch
vil berürte H. Sacrament / wiewol von Gott / verzeihung
vnd nachlassung vnserer sündē ein neues hert/ den H. Geist
vnd die ferwtige götliche liebe erlangen vnd bekommen.

Schwenck.
also/ hatt es
Gott gefal-
le/ ey/ so laß
es dir auch
beliebe/ oder
ist die crea-
tur ober de
schöpffer. re.

Vnd darnach/ ihn/ vnsern gnädigen Heyland vnd Schö-
pffer/ mit Maria Magdalena einbrünstig lieben / kindlich
fürchten/ ime auß kindlicher forcht vnd liebengern vnd frey
willig gehorsamen.

Wer bistu nun/ lieber Schwenckfeldt. der du Gott greiff-
fest in seine ordnung? ime abdringest in vnser gerechtmachüg/
seine creaturen/ vnd andere ime wolgefellige mittel? ja sehest
Gott maß/ zil/ wisse von manier / wie er es soll machen/ re.
Kompt nit alles von Gott? führet/ weiset/ geleitet vnd gelan-
get nit alles auff vnd zu Gott? Eben als alle wasser / wider-
umb ins Meer/ von welchem sie entsprungen? Wiewol aber
lieber Schwenckfeldt. Ich wirt stärkere vnd hellere zeugniß
zu disem ende habe/ seind doch allein/ die zwey Ezech. vnd Za-
char. der H. Propheten von mir/ dir zu nachrichtung einge-
fürt/ damit du klärlich/ sehen vnd greiffen solist/ das berürte
zween Propheten/ durch welcher autoritet/ du vermeinst/
deine ertreumte/ Gerechtigkeit zuuerblümen/ mit dir nichts
gemein/ vnnnd zuthun haben / hingegen aber/ vnserē Chris-
tliche Tauff bestetigen. Auch seind sie drum/ von mir angezo-
gen/ das du greiffest/ falsch seyn/ deinen eiteln rhum / da du
sagest/ das deine Lehr/ mit den älthern approbiereten Lehrern
der Kirchen/ einhellig einstimme vnd consentierte. Den be-
rührte Kirchenlehrer/ alles mit vns/ vnd weniger als nichts/
mit

Schwenck.
Libel vom
vndersehen
geleirt
Item lib.
Bericht.

lib. summaril
vnd in der
Vorred lib.
Bericht.

in Theles verfaßt,

mit dir / vnd deiner ertreumten gerechtigkeit / halten / datton
weiter im folgenden artikel.

Es sagt der H. Chrystostomus. Qui à veritate semel ab-
errauerunt, ad multas variasq; fraudes deducuntur, Das
ist / welche einmal von der warheit seind frz gangen / die gelan-
gen vnd kofien / zu vilen vnd manigfaltigen irzhumben / also
hat sichs eben mit Schwencck feldt zugetragen. Darumb sey
dih seine von den H. Sacramenten / sibende proposition.

*Hom. 38. imp.
Matth. opere
imperfect.*

Die 7. Proposition.

Die H. Sacrament / seind nicht allein nicht
nötig / sondern Christo nachtheilig / der kir-
chen zerstorlich / vnd den gläubigen zu irem
heil vnd seligkeit schädlich.

*Dise propo-
sition folge
auff seiner
lehr. libr.
Questio de
Ecclesia. q.
32 33 de cur
su verbi c. 14
Nachen
schafft.
fo. 10 p. 2. li.
vom vnder
scheide.*

Das diser irzhumb / vñ Sacramentolästerung Schwencck
feldts sey / findt man in angezogenen seinen eignen Büchern /
den in der 32. frag / von der Kirchen / weil er / das da die ware
Kirch nit sey / da man durch auß nichts finde / das zuneme vñ
wache / zu der fälle Gottes / wie er redet / vñ da man / sagt
er / das haupt Christum / von seinē Leib / welcher ist die kirch /
diuellirt / vnd mit gewalt abreißt / deñ von dem haupt / nem-
lich Christo / fleußt in den leib / der Christlichen kirchē / gnad /
leben vnd geist / welcher influx Göttlicher gnaden / lebens vñ
geistes / durch dise / gewaltsame abreiffung vernichtet wirdt.
Wie man aber / Christum das Haupt / von seinem leib der
Kirchen abtringen / weg reuffe / vnd berühren Göttlichen les-
bendigen influx cassiere vnd vernichte / zeigt er selbigen orths
nemlich / das solches denn vnd auff dise weise geschehe.

Wenn man / sagt er / wider den sñ / willen vnd
meinung des Heiligen Pauli / eusserliche mittel
vnd Instrument (welches seind Ceremonien vnd

Sa

Schwenck. meinung ist / das sich Christus selbst / ja Gott vñnd sein wesen / on alle
mittel in vns giesse vnd wohus. *Fide libel. collationis sacramentum Christi. num. 29.*

Caspar Schwenckfelds Lehr/ Glauben. 2c.

Sacrament) zwischen das Haupt/ vnd den Leib setzet/ vnd also / das trennet / vnd scheidet (nemlich Christum vnd die Kirch) so sich durchaus scheidet laßt. So weit Schwenckfeldt. Welcher gleich das selbst mit kleinen Buchstaben drucken lassen. Dß die Schrifft proclus nihil, durchaus nichts/ von mittels/ vñ Instrumenten vnsers heils annelme / aber zum offtern der Diener vnd des dienstes gedencke. So weit Schwenckfeldt.

Ist das war? Wie kan dann der Leib Christi/ so die Kirch ist zerstört werden vnd gar vergehn. Sic enim, res coniuuissimæ (vt tuus verbis via) non modo disjunctentur, sed omnino violenta e a diuisione interirent.

Auf welchem/ Schwenckfeldt / wiewol auß einem falschen verlogenen fundament/ als das die Schrifft keines mittels vnd instruments gedencke / ihme diese Sacraments lästernig gefasset hat. Als sey es wider die Schrifft/ wider den Heilige Paulum / etwas / wie das auch namen haben mag / ohn allen Christum selbst / als ein mittel vnd instrument / zu vnserem heil setzen / sa das man also / Christum von seinem abtringe / den Leib die Kirchen / ihres lebendigen influxes / beraube / etc.

Dieses alles hat Schwenckfeldt/ noch klärtlicher q. 33. den nachdem er der H. Sacrament vñnd ceremonias gedacht/ sagt er : Quo sanè pacto, per media quædam creaturæ, palmites à vera vite sua Christo abscinduntur. Ioan. 15: & quantum in doctoribus huiusmodi situm est, & in eis qui illis parent, non per mittitur Christus esse omnia in omnibus. Das ist vnd warlich auff solche weis / durch solche weis / durch

durch mittel der creaturen/ werden die Xeben von
ihrem waren weinstock Christo abgeschnitten. Jo-
an. 15. Auch so vil diese Lehrer / vnd die ihenigen so
ihre Lehr folgen/ betrifft vnd anlanget/ Laßt man
Christum nicht alles in allem seyn. Desgleichen findet
man auch lib. de cursu verbi. c. 15. Da er lehret/ man konte
vnd vermöge nit/ ein einiges mittel zwischen Christum vnd
die glaubigen oder seine Kirch/ als zwischen Haupt vnd dem
Leib seyn. 22.

Wenn nun dem also were/ Günstiger Leser/ daß durch die
H. Sacramenten/ wie Schwencckfeldt/ lästert/ Christo sein
ampt geschmälet/ er/ von seiner Kirchen gewaltsam abge-
zogen würde/ auch der Christlich Körper vermatten/ vnd
endlich dahinfallen/ die glieder dieses Leibs/ so ses nothwen-
digen natürlichen einfluß beraubet/ verwelcken vnd verdor-
ren müßten/ so weren se die H. Sacrament/ daß allerschädli-
chest/ so se/ in der Kirchen entweder gewaltsam eingedrungs-
gen/ oder heimlich hinein geschlichen were. Aber gemacht an/
lieber Schwencckf. Ich muß dir/ mit deinem eigenen schwert
vnd lehr eins reichen. Seind die H. Sacrament so schädlich
das sie CHRISTVM von der Kirchen abschneiden/ war-
umb bittest du denn vnd dein hauff wie droben gehöret/ daß
CHRISTVS den rechten brauch der H. Sacrament wöl-
le eröffnen. Vnd soll die einsetzung deren aller erst herfür
kommen. Wie sörest du nicht/ allhie Abgötterey/ auch ge-
denckstu nicht/ daß du/ so sehm dein gebett kräftig seyn wür-
de/ CHRISTO in würckung onfers heils/ ein Sacramen-
talichs mittel/ vñ Sacramentalichen mitgehülffen von Gott
erbitten/ erlangen vnd sehn würdest. Kompt dir nit für/ daß
du/ durch deine new gebetteste vermeinte Sacrament/ wür-
dest etwas zwischen CHRISTVM sehn vnd seinen Leibz
H vnd

Rechnung
schaffe.
fol. 10.

Supra Tbef
3. & 4.

Caspar Schwenckfeldts Lehr/Glauben/2c.

vnd in also/von seinem Leib wegzwingen vnd abreißen? den
was du auffbringen wirst/vor Sacrament/die werden nicht
Christus selbst/sondern etwas seyn/so nit Christus ist/doch
also beschaffen/das es on Christum kein safft vnd krafft ha-
ben würde. Thuts nun Christus alles/profus, vnd durch
auff alles in allein/vnd des bist du von Gott vnd Göttlicher
Schriffte bericht warzu bittest du den vnd wartest auff neue
Sacramente? Wem e vnd warzu werden sie nützlich sein vnd
heilfam? Aber lieber Caspar wir wollen jetzt etwas näher
zu dem zweck rucken/vnd darumb frage ich dich, War nicht
der saum des kleides Christi/Matth. 9. Luc. 8. dem Weiblein/
vnd vil andern Menschen/Matth. 14. ein warer Instrument/
mittel vnd werckzeug/durch welches Christus vnser Herr
vnd Heilandt/seine krafft vnd allmacht/ihnen hat mittge-
theilet/sie auch/dieselbige warhafftig empfangen/vnd ge-
nossen? Sagstu nein/so straffestu drey Euangelisten lügen/
Matth. Marcum vnd Lucam/das können/willen vnd sollen/
wir von deiner autoritet vnd Göttlichen/vermeinten offen-
barung nit leiden/den dise alle drey bezeugen/das diser Leutz
glaub bey vnd auff dem anrühren des Saums gehafftet/vnd
sie auch darnach Christi gnad vnd gesundheit empfangen ha-
ben vnd genossen? Sagstu aber/ya vnd gibst zu/das Christi
saum/ein mittel seiner gnaden gewesen/so ist die frage/war-
umb den nit auch andere mittel Göttlicher gnaden sein mö-
gen/als fasten/betten/allmosen geben/seinen feinden/vmb
Christi willen verzeihen/vnd fürnemlich die H. Sacramente
Zum andern Schwenckfeldt/beger ich zu wissen/ob dise leutz
so bey dem saum Christi/gnad/gesundheit vnd leben gesucht
Abgöttisch gewesen seyen/vnd Christo seiner ehr vnd selig-
machendem ampt nachtheilig? verkleinerlich? vnd preiu-
dicierlich? dieweil sie/bey der creatur des saums gesuchte/so

allein
Dahastu mittel vnd instrument Göttlicher gnaden wider deine Landlüt/
droben angehöret: daß du sie aber in der Schriffte nicht gesehen/ist bey mir kein
wunder/denn dein geist dir nicht alles offenbaret hat.

allein bey dem Schöpffer zu finden? Ist es spha/bey dir/so ist
 auch diß gewiß bey mir/das Christus allein/an irer Abgötte
 rey.superstition/vnnd verkleinerung seines Ampts schuldig
 sey. Deñ er iren glauben/bestetiget/inen willfertig gewesen/
 vnd sie mit nichten/von der Creatur vnd seines kleides gezo-
 gen/vnd sizen deiner meinung nach/vnglauben gestrafft hat.
 Ist es aber nein bey dir/vnd haben dise Euangelische leutlin
 nit gesündigt/Drumb das sie zu erlangung Göttlicher gnade
 vnd irer gesundheit/das mittel vnd Saum Christi ergriffen?
 Warumb vnd wie sündigt wir/in handlung vnd wandlung/
 brauch vnd vbung vnd vnserer Sacramenten/vnd eben dar-
 umb/das wir sie als mittel vnd Instrument Göttlicher gna-
 den brauchen/vnd das/auf Christi befehl/geheiß vnd wil-
 len? 3. Ist die frag/dieweil die anrührung des saums ad tactū
 simbria/Christi gnad/krafft vñ macht sich würclich vñ thät-
 lich erzeigt hat/(deñ der Herr sagt Luc.8. ich hab empfunden/
 das von mir ein krafft aufgangen/welches bey anrühren des
 saums geschehen/wie das weiblein bekant/vnd Christus das
 selbst jr bekantniß vnd glauben/bestetiget hat) warumb deñ
 nit auch/bey anrühren/gebrauch vnd genießen der H. Sacra-
 ment/wir Christi/krafft vnd gnediger hilff mögen theilhaff-
 tig werden/würclich empfahen/vnd heilsamlich empfindē?
 Zum 4. Schwackf. ist die frag vnd schon erörtert/war nit/
 die kräfte/so vermittelst des saums/die gebrethhafftige em-
 pfangen/die kräfte Christi/kam sie nit auß vnd von Christo/
 vnd war nit also (wie du es haben wilt) Christus alles vnd in
 allem/gleicher gestalt/die kräfte vñ der safft Christlicher Sa-
 crament ist sie nit Christi/entspringet von im? furet vñ wei-
 set zu im? vnd ist deñ also nit Christus alles in allem? Ergo/
 Schwackf. vnser H. Sacrament/sein Christo weniger/
 nachtheilung/als im eben sein kleid gewesen/füren so wenig
 von Christo/als sein kleid/geben den Christen/gnaden/safft
 vnd leben/doch durch Christum vnd ist Christus alles in alle/
 gang frey vnd vnuerhindert

von mir
 ist ein krafft
 aufgangen
 sagt der
 herr.

Rechnsch.
fol. 7.
vnd in allen
setzen. B.
Gern.

Es seynd nur zwey Sacrament/ Tauff vnd
Nachtmahl Christi/ 2c. Dife Conclufion / sehet
Schwenckfeldt im Buch der Rechenfchafft/ dann da
er/ der H. Sacrament in gemein gedenck/ sagt er/ darnach/
als habe er sie all beysamen. Zu dem/ daß die Sacra-
ment/ Tauff vnd Nachtmahl/ 2c.

Apologia
Augustana
conf. fo. 101.
Also auch
Philip. Mel-
lanch. in suo
catechif. an.
43. Vitem-
berg. per Ni-
col. Schiel.

Hie ist die frag Schwenckfeldt / dieweil dir nichts von
Heiligen Sacramenten offenbaret ist / wie droben angehö-
rig / woher weist du dann / daß Tauff vnd Nachtmahl Sa-
crament seyen / vnd eben allein die zwey? Hat doch die Apo-
logy Augspurger Confession / so Anno 81. der Formula co-
cordia / zu Magdeburg bey getruckt / vnd erzehlt der H. Sa-
crament drey / deine zwey / vnd die Absolution. Warumb ist
dise / nit / so wol ein Sacrament. als die Tauff / 2c. Ich dispu-
tiere nicht / von der gewisse anzahl der H. Sacrament / Son-
dern entdecke vnd offenbare deinen Schwindelgeist / Lieber
Schwenckfeldt / daß du sagest / dir sey von denen dingen / von
Gott nichts befolhen / vnd doch zwey Sacrament sehest / als
wissestu eigentlich / was / vnd wievil H. Sacrament seyen /
welches du hettest sollen vnderlassen / vnd daupn stock still
schweigen / als von einer sachen darvon du nichts weist / vnd
die dir nicht befolhen ist. Sonst lieber Caspar steht dir zu /
in deiner Rechenfchafft / wie du diß Büchlein nennest /
zuuerrechnen / gewiß vnd offenbar / warumb
ebendise zwey / vnd nicht mehr oder
weniger Sacrament
seyen / 2c.

in Theses verfaßt.

Die 9. Proposition.

Von der Heiligen Tauff Schwencckfeldtscher Glaub.

Die Tauff ist nicht nöthig zu vnserm Heil vnd seligligkeit / *rc.*

Dise Proposition / ist genommen auß dem achten vnd sibenden / denn / da alle Sacrament / vnd mittel Christo nachtheilig vnd den gläubigen schädlich geachtet werden / daselbst ist die H. Tauff schon begriffen. Diser irthumb ist schon nach vorgehabter Kürze / propositione 7. widerlegt / dabey ichs bewenden lasse. Doch mercke der günstige Leser / daß er der tauff den gar auß machet in folgender proposition / da er sie der Beschneidung vergleicht.

Die 10. Proposition.

Shwencckfeldt sagt / das bey vns / die Tauff ^{10. prof. Neuchensisch. fol. 5.} sah statt der Beschneidung / aber mit verdunkelung ihres mysterij gelehrt / so doch die Beschneidung nichts sey.

Hiermit günstiger Leser bezüchtiget vns Schwencckfeldt / als wolten wir die Beschneidung widerumb einführen / vnd durch die Tauff an ir altes orth sehen / vnd beschuldiget vns weiter als verdunklen wir die geheimnuß der Tauff / welche Schwencckfelden ist / seine newigkeit / wie in seiner Confession zu sehen / drum heist es bey ihm / eins ist voranden / nicht die Tauff / *rc.* Darauß ich im dißmals / geliebter / Kürze halben / ein richtige Kürze / in Gottes wort / wolgründte antwort gebe. Vnd sage / daß die Beschneidung / ein vorbildt vnserer Christlichen Tauff gewesen sey / daß stehet klärlich / Colos. 2. Da der Apostel Paulus / vnser Tauff / Christi beschneis

schneidung nennen vnd sagt / wir seyen mit Christi / vnsero Herren vnd Heilandis Beschneidung / beschnitten / in dem wir / in der Tauff mit ihm (CHRISTO) seind begraben. Wie ist denn die alte beschneidung / nit vnser tauff / ein vorbedeutung / da sie doch der H. Paulus selbst miteinander also vergleicht vnd die H. Tauff auff die beschneidung eingeführt. Wie aber vnd warumb die Beschneidung vnser Christliche tauff entworffen / admittirt vñ vorgezeiget habe / ist dißmals / meines instituti vñd vornemens nit zu protequiren / denn es dem günstigen Leser zu lang werden wolt / dem wir ein geringes guttum / krafft vnd safft Schwenckfelds / allhie mittheilen.

Das aber Schwenckfeldt vns beschweret / als fären wir die Beschneidung wider ein / vñd verduncklen das geheimnuß der Tauff / in dem thut er vns gewalt / dannach empfangener warheit / vnd Christlicher Tauff / haben wir die figur vnd die Beschneidung getödtet. Auch dieses lebendig machen den H. wasserbads geheimnuß / lehren wir öffentlich vñ jeder meniglich / der es nit weiß vnd wissen will / auß angezogener Apostolischer stell. Coloss. 2. Da kanstu es sehen / 27.

Die 11. Schlußpredt Schwenckfeldts.

11.
Rechtscha.
zu lib.

Schwenckfeldt erkenet / keine tauff / dann die alle in dem geist geschicht / den sagt er / Wir alle sagt Paulus von ihm vnd den glaubigen Corinthern / seind in einem geist / zu einem leib getaufft / vnd seynd alle in einem geist getrenckt. i. Corinth. xij. So weit Schwenckfeldt.

Die 12. Proposition.

12.
Rechtschafft.

Lehret auch Schwenckfeldt / das alle / so getaufft werden / zuvor müssen schon Christum

stum angelegt haben / vnd das will er mit dem H.
Paul. Gal. 3. bewisen haben.

Schwenckfeld / du thust warlich Christo / den H. Apo
steln vnd ganzen Kirchen Gottes / gewalt vnd vn
recht / in dem du allein den Geist / bey der Tauff dul
den / aber das wasser nicht leiden kanst / als sey kein anderer
Tauff im neuen Testament / den die innerliche geistliche /
vnd handel nicht anderst / den wie etwan ein vnbescheidener
Jud / im alten Testament thun mögen / wann er die eusserli
che sibiliche leiblich beschneidung drum vernichtet vnd ver
worfen hett / dieweil vil / vnd zum offtern auff die geistliche
beschneidung wirdt im alten Testament getrungen. Lieber
laß dich H. Sacrament passieren / du bist sonst ärger / als kein
Widertäuffer / welche / ob sie schon die Kindertauff widder
recht vnd Gottes wort verwerffen / doch wann sie eigentlich
von der Tauff reden / vnd dieselbige bey den erwachsenen
bräuchen / nemen sie wasser / 2.

Das aber der H. Paulus 1. Cor. 12. des Geistes / vornem
lich gedencket / ist kein wunder / den der geist ist das fürtreff
lichst / wie den bey allen H. Sacramenten / das wort / den vor
trab hat / wiewol nothwendig das Element / muß darzu kom
men / vnd geschicht den / wie der H. August. sagt / es kompt
das wort zu dem Element / vnd macht ein Sacrament. Ob
nun wol der H. Paulus dieses orths / das wasser nit gemeldet /
so ist es doch in andern ortzen der Schrift / vnd beuorab in
dem gebott Christi. Joan. 3. klärlich außgedruckt. Welche an
dere stell der schrift / ich dir dißmals nicht anzeigen will / das
mit ich dich / in Göttlicher schrift etwas berichten mag. Biß
so vil auffß klärst von dem.

Das du aber auß dem H. Paulo zuerzwingen vermei
nest / der Tauffling müsse zuuor CHRISTVM angelegt
haben / da bistu wider vnredlicher / den Peetrus Martir / der
Caluis

Caspar Schwenckfeldts Lehr. Glauben / 2c.
Calumnist / welcher auch diser meinung ist / aber etwas redli-
cher denn du / der H. Paulus / welches Lehr vom Hiffel her-
ab kommen / schreibt / Gal. 3. wie vil ewerer in CHRISTO
getaufft seynd / haben alle CHRISTVM angezogen / dein
wort / zuvor / doch in zweyen strichlein begriffen / durch disen
griff / hast den H. Aposteln verfälcht / als hettestu / bley vn-
der gut Silber geworffen / vnd hast dich also in deiner Re-
chenschaft verrechuet / vnd ein x. für ein v. verzeichnet / das
mit du an der Summen deiner newigkeit / nichts mangelst.
Denn das alle gläubigen / so getaufft CHRISTVM an-
gelegt haben / ist war / vnd bezeuget solches der H. Apostel
Paulus / aber diß geschicht durch die Tauff / denn / in dem
Bad des lebens / Ephes. 5. werden wir gereinigt / legen den
alten Menschen ab / vnd ziehen einen / ahn / das aber solches
vor der Tauff geschehen sey / ist dein offenbarung / von wel-
cher wir eben / nichts halten.

Von dem Heiligen Nachtmahl Schwenckfeldische proposition.

Die 1. Proposition von dem H. Nachtmal

23. Thes.
Rechens-
schafft.
fol. 5.
Bericht.
Summarium

W Endem Nachtmal / führet man wider eyn /
das Osterlamb vnd Jüdisch Manna / figu-
ren / nemlich in das reich der warheit / 2c.

Die 2. Proposition.

24. Thes.

Christus ist nun mehr geist vnd nach seinem
Geist / allen denen zuerkennen / so zum Nach-
mal gehn wollen / können also die wort / das
ist mein Leib / 2c. nicht von seinem waren leib ver-
standen werden.

Die

in Theses verfaßt.

Die 3. Proposition.

Christus ist nicht hieniden / im Sacrament
liche Brodt / sondern droben im Himmel zu
suchen.

15. Thesi.
Rechenschaft.
fol. 10.

Die 4. Proposition.

Wir sagt Schwencckfeldt / befließen uns täg
lich mit dem Herzen Christo / sein Nacht
mahl zuhalten / im Geiste des glaubens.
So weit Schwencckfeldt / so haben wir kein Nacht
mal / den geist des glauben / etc.

16. fol. 10
Lage libel.
collationis
statuum nu.
8. 14. 16. 27.
28. 29. da
ers noch
grober
macht.

Die 5. Proposition.

Die wort / Das ist mein Leib / das ist mein
Blut / seynd Geist vnd leben / Darumb / ist
daß essen vnd trincken / des Leibs vnd
Bluts Christi / mit glauben zu finden.

17.
Rechenschaft.
schaffe.
fol. 6.

Die 6. Proposition.

Schwencckfeldt spricht / vnd rhümet sich / daß
seine Lehr / von den Sacramenten / zu vor
ab von dem Sacrament des Leibs vnd
Bluts Christi / stimme zu mit Heiliger Schrift /
vnd allem was der Herr dauon seinen Jüngern /
befolhen / vnd zuthun eingesezt hat / sie kompt /
sagt er / oberein / mit dem H. Apostel Paulo / 1. Co
rinth. xi. sie ist beweht / mit der alten Christlichen
Lehrer zeugnuß / fürnehmlich des H. Augustini /
I vbers.

18. Ex lib.
Bericht.
summarium

Caspar Schwenckfelds Lehr/ Glauben/ &c.
ubers 6. Cap. Joan. vnd tract. 59. in Johannem.
So weit Schwenckfeldt.

Dise 6. Propositiones/ Lieber Schwenckfeldt/ will ich zu
mal/ beantworten/ vnd mit ableitung der letzten/ die andere 5.
zu Boden fallen. Vnd damit ich von dem ersten grad oder
Staffel/ als dem H. Augustino anfahe/ vñ de zu höchsten
vnd letzten/ der H. Schrift gelangt. So befinde ich tractat.
59. in Johannem nichts/ daß von der H. Eucharistia han-
delet/ vnd dir befürderlich seyn/ denn alleindisen Spruch/
illi manducabant panem, dominum, illa panem
domini contra dominum, illi vitam, ille poenam,
quienim manducat indignè iudicium sibi man-
ducat. Das ist/ sie/ die Aposteln/ nemlich assen
das Brodt/den Herren/ Er aber/ nemlich Judas/
asse das Brodt des Herren/ wider seinen Herren/
sie/ die Aposteln assen das leben/ er der Verräther
nemlich die straff/ denn der es unwürdig isset/ der
isset ihm das gericht/ So weit Augustinus.

Meinstu nun lieber Schwenckfeldt/ Augustinus habe/
kein andere/ dann allein die geistliche nussung des Leibs vnd
Bludts gelehrt/ wie du/ so hast du Augustinum so wenig/ als
die Schrift verstanden. Denn Augustinus machet allhie ein
vnderscheid/ wie dis H. Sacrament die Aposteln vnd Jus-
das/ froiße vnd Gottlose empfahen vund genossen/ welcher
in dem bestehet/ das die lieben Aposteln/ vnd alle Gottselige
panem, dominum, das Brodt welches der Her. ist/ vnd ab-
sohren Herren/ vnderm Brodt/ die grad/ den safft vnd krafft
ihres Herren (Druñb deñ die leibliche nussung Christi fleisch
vnd Bludts eingesetzt) empfahen/ genossen vnd empfinden.
Aber

Gedenck
Schwenckf.
biff die weis
zu redē/ der
H. Schrift.
Aquam vinū
solum.

Aber Judas vnd der verrätherisch gottlos hauff / empfahen allein / panem domini / das Brodt des Herren / welches / noch panis / oder Brodt / drum genandt wirt / dieweil es zuvor all ein Brodt gewesen / vnd auch noch die gestalt nit verlehren / vnd / vnder derselben Brodts gestalt / zu mehzung vnseres glaubens verdeckt vnd verborgen ist. Aber den Herren / das ist / die gnad / den Segen / die Liebe / die Krafft / vnd hilff des Herren / vñ also den effect: vnd würckung dieses Sacraments empfinden nit. Warumb das? Augustinus antwort / das solches geschehe / dieweil sie es vnwürdig empfahen. Vnd das diese meinung / Augustini sey / beweis ich auß einem andern des H. Augustini / nemlich auß den 162. Episteln. Da er folgende wort setzt.

Der Herr lasset zu vnd gestattet / das Judas / ein Teuffel / Dieb vñnd sein Verkäuffer / vnder den vnschuldigen Apostelen / empfahen / quod fideles nouerunt, pretium nostrum, vnser werth / so den Gläubigen bekandt ist. So weit Augustinus. 2c.

Nun aber Schwereck felde / vnser werth / darumb wir erkauft seyn / ist groß vnd sehr köstlich / nemlich das Bludt des Jesu Christi / des vnbeleckten Lämbleins. 1. Pet. 1. Hat den der Verräther Judas vnder / sampt vnd mit den vnschuldigen Aposteln / vnser werth empfangen / dieweil dieses / kein anders ist / denn das vnschuldig Lamm Ihesus Christus / sein fleisch vnd bludt / so folget se / vnd ist die meinung / dz Judas am letzten abentmal / sampt den Aposteln vnser pretium vnd werth / das fleisch vnd bludt Christi warhafftig / vnd nicht Geislich / figurlich empfangen haben / denn durch CHRISTI warhafftiges fleisch vnd bludt / vnd durch keine Figur / seynd wir erkauft vnd bezahlet worden. Da hörest du

Caspar Schwenckfeldts Lehr/Glauben/ze.

lieber Schwenckfeldt/ daß der H. August. die nießung des
waren fleisch vnd bluds Christi/ im Abentmal bekenne, wel
ches alle/ deine Sacraments irrungen ombstosset/ cassiert
vnd vernichtet/ sonderlich aber den/ das Christus weder
mit essen oder trincken/ oder auff einigeweis begriffen/ tras
ctiert genossen vnd participiert werde/ von den gottlosen/ wie
du libell. collat. statuum nu. 7. grob gespühen hast. Auch
siehestu das du so vil mit dem H. Augustino gemein/ so vil die
finsternuß/ mit dem licht/ vnd die lägen mit der warheit zu
eriffst. Demnach/ auch/ du dich auff den H. Aposteln Paul.
1. Cor. 11. beruffen hast/ so will ich nur mit einem Argument/
berärten ortho/ seher meniglich ahn tag geben/ das du so wol
dem H. Paulo/ wie auch zuvor dem H. August. gewalt thust
vnd beyden/ ein armer vnerfahrner Schuler sehest/ Merck
auff. Der H. Apostel Paul. an gemeltem ortho/ schreibt vnd
lehret/ Das ein jeder/ so diß Sacrament vnwürdig ge
neußt/ im esse/ empfahe vnd neme daß gericht/ nemlich/ die
Hellische verdammuß/ drumb/ dieweil er/ den Leib des Her
ren nicht vnderscheidet. Er spricht/ daß ein solcher sey/ schul
dig/ andem Leib vnd Blut Christi. Ergo so folget/ das wars
hafftig vnd leiblich/ der Leib/ das Fleisch vnd Blut Christi
allhie zugegen/ sey/ empfangen/ gessen vnd genossen werde/
vnd eben/ von den gottlosen. Sonst da er/ der ware Leib/ nit
im Sacrament zugegen were/ wie köndt vnd solle ihn/ ses
mandt/ mit chr vñ reuerierung/ von allen andern vndersch
dene vnd auch/ wegen vnderlassenen vnderscheidts/ in vn
würdiger nießung des Leibs/ sag ich noch einmahl vnd des
Bluds Christi/ pflichtig werden vnd schuldig? Dieweil ges
wiß vnd eigentlich war ist/ da Christi Leib nicht ist/ daß ihn
niemandt das/ lbst/ spectiren/ oder verunchren kan. Damit
du aber lieber Caspar/ die prob dises Arguments/ auch des
sen krafft vnd zwang/ desto besser verstehen/ fassen vnd be
greiffen

greiffen mögeſt. So wiſſe/ das allhie der H. Paulus die Sünd vnd Straff/ das Gericht vnd Helliſche verdammuß/ deren ſo unwürdig diß Sacrament genieſſen/ in diſe vrsach verfaßt. Weil ſolche gottloſe Menſchen/ bey nieſſung diſes Sacraments/ keinen vnderſcheidt halten/ des Leibs Chriſti/ als die/ ſo den wahren leib Chriſti/ nicht/ mit ehr vnd reuerentz/ mit der reinigkeith/ liebe vnd demüthigkeith empfahen / So erfordert / das Fleiſch vnd Bludt/ der leib vnd das leben/ vnd der ware Chriſtus. Iſt aber nichts allhie/ deß weſens/ der ſubſtants/ der natur/ des Fleiſch vnd Bludts Chriſti/ ſo thut (mit höchſter reuerentz ex hypotheſi zu reden) Chriſtus vnrecht/ daß er durch ſeinen Apoſteln Paul. den ewigen Gott/ das Gericht vnd verdammuß all den jenigen verkündt vnd auffgeladen hat / ſo allhie/ bey/ nieſſung diſes Sacraments/ mit verächter vorbereitung / vnd vnderlaſſener gebürlicher ſchuldiger ehr/ allhie ſage ich/ vnd ſeinen waren leib meine ich/ nicht gebürlichen dijudicirt/ vnd ſchuldiger ehrerbietung würcklich vnd thätlich vnderſchieden haben.

Denn lieber Caſpar/ ſeh/ allhie ein figur oder krafft vnd ſafft Chriſti/ vnd nim dem gläubige ſerigung. Nem vnd nenne allhie was du wilt/ iſt es/ das weſen / der Leib vnd Fleiſch Chriſti nit. So kan ich auch ſeiner warhafften gegenwertigkeit vnd eben des Leibs Chriſti/ nicht ſchuldig werden/ den du

Caspar Schwenckfeldts Lehr/Glauben/2c.

nit den Leib/sondern/quid, pro, quo / anders an dessen statt
gesetzt hast. Den merck eben. In andern Sacramenten/so sie
femandt/ohn reu vnd leidt / one vorbereitung vnd vnwür-
dig entpfahet / so ist derselb sträflich / weil also / durch seine
gottlosigkeit/das Sacrament seinen effect: vnd krafft nit er-
langet/vnd göttlicher gnaden ein Nigell vorgeschoben / wie
wol das Sacrament/so auff dise weis verunehet wirt/ gewis
hafftet. Aber allhie bey dem H. Nachtmahl/ ist die
sünd vnd vbetrettung nach der meinung des H.
Apostels Pauli das/durch vnwürdigkeit/dessen/
so dis Sacrament entpfahet / nicht allein der in-
fluß göttlicher gnaden verhindert/vnd auff solche
weis das Sacrament verachtlich gehalten / son-
dern auch darumb/ Dieweil der Leib/ das fleisch
vnd Blut Christi/ nicht vnderchieden / vnd cor-
pori, non virtuti, 2c. dem Leib vnd Seel/ Fleisch vñ
Blut Christi/nicht gebürliche schuldige ehr bewi-
sen wirdt. Der Apostel gehet nicht auff die gnad vñ krafft/
sondern auff den wesentliche Leib Christi/ Ergo so muß er da
seyn. Vnd dis eben/die vrsach/ darumb die H. Aposteln/ so
an der verrätherey Jude / vnd allen groben eufferlichen sün-
den vnschuldig waren/Christum respectirten/ für sren Her-
ren vnd Meister/ sja für den Sohn Gottes hielten/wiewol
sren / noch nicht vollkömlich das liecht göttlicher warheit/
in allen sachen auffgangen war/Christum vnderchiedl/wür-
dig vnd also das leben mit ihm entpfangen/ hingegen Judas
der verrähter / bey gleicher Sacramentlichen niessung des
leibs Christi / ihm den todt vnd teuffel gessen / dieweil er den
waren Leib Christi/vnd Christum seinem Herren/einem ge-
meinen Menschen gleich/gehalten/seine practick/ list/seinen
gei

in Theses verfasst.

geiß vnd verrätherey an ihm versucht/ vñ nicht als den waren
Christum respectiert vnd angesehen hat. Hic von lese Augu-
stin. lib. 5. de Bap. c. 8.

Also haben alle bewehrte lehrer/ vñ alte vätter disen Pau-
linischen Spruch verstanden/ welchen du glauben vñnd fol-
gen must/ oder dich selbst lügen straffen/ denn du dich auff sie
beruffen/ vñnd dich gerühmet hast/ das deine lehr/ so vil das
H. Nachtmahl anlangt/ mit ihnen zutreffe. Also wie ichs/
seht fürbracht vnd außgelegt hab/ haben disen ort/ alle bewer-
te Lehrer/ keinen außgenom̄en/ verstanden. Wie du dich/ bey
seht angezogen Augustino/ deñ auch bey Origine, Basilio,
Chrysostomo, Ambrosio, Theodoro etc. zu sehen hast.
Weñ es dñ auch zu lang werden mocht/ so ich ire wort alle/
hie setzen thet/ so höre allein/ was Chrysostomus der gulden
mund vnd Hocheleuchte Lehrer/ dñ als schriftlichen hin-
derlassen hab. Es wirdt niemandt/ schreibt er/ einen
König vnhöfflich entpfahen/ vñ was sag ich von ei-
nē Könige es würde niemād/ des Königs Kleid oder
purpur mit vnsaubern händen anrühren/ weñ er
gleich allein were. So deñ eins menschē kleidt/ nie-
mād anrühē würd/ wie werdē oder kōñen wir den/
mit grosser schmach vñ schand/ des Herrn vnbeste-
ckten vñ reine leib entpfahē/ Dein Herz ist ober al-
les den leib der göttlichen natur̄n theilhafftig ist/
vñ welches leibs willē/ die portē der hellen zerbro-
chen. Vñ die portē der himeln sind eröffnet wordē.
Ey lieber laßt doch vns nicht selbs. Ey lieber laßt
doch vns nit selbs vnuerschēmt vñ bringē/ sonder
mit ehren vnd aller reinigkeit für Gott treten.
Hæc Chrysostomus.

A. lib. 5. de
Bap. c. 8.
B. Hom. 2. in
Psal. 37.
C. lib. 2. de
Bap. c. 3.
D. Hom. 2. 4.
in 1. ad Cor.
Ambro.
Theodor. in
cymmentarijs.

Da hörestu lieber Caspar / das der H. Chrysoſtomus bey denen / so zum Sacrament gehen / alle ehre vnd reinigkeit son- dert / drum / dieweil allhie der Leib des Herren / aller Erbau- ren zu gegen ist / der Leib / so die Hellen zerstöret / vnd die vers- perre Himmeln eröffnet hat / welchen wir mit grösserer ehr- den etwa einen König vnd sein Kleide auffnehmen vnd anhä- ren sollen. Du hörest auch lieber Schwenckfeldt / das wir vns selbst vmbbringen / vnd des ewigen lebens berauben / wenn wir vnuersehmpt / mit eigener schmach vnd schand / one ge- nugsame ehrebietung / sauberkeit vnd reinigkeit des Herrens / diesen vnsern König vnd Herren entpfahen vnd zu vns ne- men. Also befindestu denn lieber Schwenckfeldt / das dar- umb / die H. Väter / auß vor angezogenem Paulinischen Spruch / den gottlosen vnd vnwürdigen / bey niessung des H. Abendmahls / das gericht vnd Hellische verdammung auff- laden / dieweil sie / den Leib / so allhie zugegen / nit / mit gnugs-amer prob vnd vorbereitung entpfahen / vnd eben nicht all- ein drum / das durch sie / der vngerechten vnd gottlosen vn- würdigkeit / der effect vnd wärckung dieses Sacraments / ver- hindert vnd auffgehalten wirt. Dieses aber gründlicher zuer- fahren / höre lieber Schwenckfeldt was der H. Chrysoſtom- weiter hie vorbringe.

Wann du nun / sagt er / diesen Leib vorgestellt si- hest / so sprich bey dir selbst / wegen dieses leibs / bin ich nit mehr / erden vnd äschen / nicht mehr ge- fangen / sondern frey. Durch diesen Leib / hoff ich den Himmel sampt allen seinen gütern / durch diesen Leib hoff ich das vnsterblich leben / eine Englisches sitz vnd Christi gemeinschaft. Dieser Leib wiewol zerschlagen vnd gecreuziget / ist von dem tod mit

ober

überwunden worden. Diſen Leib/als die Sonn/
gekreuziget geſehen/ hat ſie ihrer ſtraal glantz vñ
licht entzogen: wegen diſes Leibs zerreiſſe/ der
vorhang des Tempels/ vñ die Fellen/vñnd erbe-
bete/ der ganz Erdboden/ ꝛ. wilt du wiſſen die
krafft diſes Leibs? Frag die/ ſo den Blutgang ge-
habt/welche doch nit den Herzen Jeſum / ſondern
ſein kleidt/ daß nicht ganz/ ſondern allein deſſen
Saum angerüret. Frage das Meer ſo diſen Leib
auff ſeinem rucken getragen hat/ ꝛ. je größer nun
die wolthat iſt / ſo wir hie empfahe / ihe größerer
ſtraff werden wir außſtehen/ wenn wir deſſen vns
würdig erſcheinen. So weit Chryſoſtomus.

Merck lieber Schwencckfelde das der H. Chryſoſtomus dem Saum des
Kleides Chriſti krafft vñ gnad zuſchreibet/ warumß deun nit auch den Heiligen
Sacramenten?

Nu köñ lieber Schwencckfelde vñ rhüme dich/ deß Apo-
ſtels Pauli vñnd der H. Väter lehr/ du hozeſt ſe/ daß der ſelb
im Sacrament (in altari ſagt Chryſoſt.) in vñnd auff dem al-
tar ſey / ſo gelitten/ geſtorben vñnd vns auß ſchwerer dienſt-
barkeit/ zu warer freyheit gebracht / der ſelb/ welches kleidis
Saum/ die ſo den Blutgang gehabt / angerüret / welchen
daß Meer getragen hat. Er ſagt/ es ſey der ſelb Leib/ der ſelb
geſentliche leibliche Chriſtus / wiewol auch vnſterblich/
allhie/ welchen die 3. Weiſen / ſo weit geſucht vñnd darnach
mit größerer forcht vñnd zittern angebeten. Vñnd er manet
vns von diſem Barbariſchen Heidniſchen volck zu lernen/
mit was andacht vñnd reuerenz/ forcht vñnd zittern/ wir Chri-
ſtum nicht in einer armen Hütten vñnd Stall / ſondern auff
dem Altar reueriren/ mit forcht vñnd zittern vñnd gebürlicher

vorbereitung würdig zu vns nemen / essen vnd genieffen sol-
 len. Angesehen / daß es alles / ein einiger / vnd der selbste Leib
 sey / den die weisen angebeten / vnd wir allhie empfahen / wel-
 ches alles / auff keine figurliche innerliche vnd glaubige nieß-
 sung sich nicht biegen / lencken / vnd biegen läßt / vnd solt du
 gleich alle Pferd anspannen / so auff dem ganzen rundschei-
 bigen Erdbodem seyn. Denn dises alles auff den wesentliche
 Leib / vnd auff das ware fleisch vnd bludt CHRISTI Jesu
 gerichtet ist. Ob du mich nicht recht verstehen vnd fassen
 kanst. Wie CHRISTVS sich selbst in seiner handt getras-
 gen / gessen vnd genossen hab / wie er zumahl vnd zugleich /
 warhafftig im Himmel zu der gerechten des Himmelschen
 Vatters / vnd auch hieniden im Sacrament wesentlich ver-
 borgen sey / ligt vns zwar so hoch vnd vil nicht / aber dir gar
 spha dein Seligkeit daran. Neben dem / du also öffentlich an-
 tag gibst das du ein recht armer schuler / vnd in Gottes wort
 gar wenig erfahren sehest. Seitenthal du durch die ver-
 nunfft ergriben vnd ergründen wilt / daß du allein mit was-
 rem ungezweifelten glauben fassen / erkennen vnd bekennen
 solst / welches spha wider alle vernunfft ist.

Höre lieber Schwenckfeldt / wieder Hellig Bernardus
 deiner vnd deiner adherenten wiß vnd klugheit gestroffet vnd
 lauter thorheit vnd aberglauben gemacht hat. Quid magis
 contra rationem, sagt er / quam credere nolle quicquid
 non possit ratione attingere? Laudatur Maria quod ratio-
 nem, fide præuenit. Et punitur Zacharias, quod fidem, ra-
 tione tentauit. Et rursum Abraham commēdatur, quod
 cōtra spem, in spem credidit. Das ist / Was ist mehr /
 wider die vernunfft / denn / das jemandt das nicht
 glauben will / was er durch vernunfft / nit errei-
 chen kan? Maria wirdt geprißten / das sie durch
 den glauben / der vernunfft ist vorkommen. Vnd

Zacharias wirdt geſtrafft / daß er / den glauben / durch die vernunft angefochten hat. Vnd widerumb wirdt Abraham gelobt / daß er wider hoffnung / in die hoffnung geglaubt hat. So weit Bernhardus. Haſt nit lang vnd offtermahls gelehret / das ohn glauben / köñ niemandt Gott gefallen? So glaub nun lieber Caspar / vnd nim deinen verſtand zu dienſtbarkeit des glaubens / gefangen / wie ſolches / der Apoſtel / von dir vnd jedermenniglich erfordert / ſo wirſt du diſes vnd noch ein gröſſeres faſſen vnd verſtehn können / vnd endtlich ſelig werden. So bleib denn nun vnd beſtehet vn beweglich / lieber Caspar Schwencckfeldt / das CHRISTI wahrer Leib / Fleiſch vnd Blut im Sacrament vñnd Nachtmahl des Herzen / weſentlich vnd eigentlich zu gegen ſey / empfangen vnd genoſſen werde / von frommen vnd vnfrommen /c. vnd das die gottloſen diß Sacrament prophanieren vnd verunehren / nicht allein darumb / das ſie durch ſre gottloſigkeit diſes H. Sacraments krafft ahn ſhnen ſelbſt hindern / ſondern auch vnd am meiſten darumb / daß ſie den Leib CHRISTI ſo allhie zu gegen / nicht vnderſcheiden / vnd ſich gegen dem gegenwertigen CHRISTO / vnſauber / vnerbar erzeigen / anderſt nicht als wañ ein grober Baur / oder böſhafftiger Schalkſonarz / in gegenwertigkeit / ſeines Herzen vnd Königs / ſich vnhöfflich / ſa gang Sewiſch oder Böſhafftig erzeig n thet /c.

Diß hat der Heilig Paulus / auß offenbarung des Herren Jeſu CHRISTI / am ſelbigen orth gelehrt / welches auch alſo alle Väter von anfang der Chriſtenheit / einhelzig verſtanden / vñnd dem gemeinen volck färgetragen haben. Vnd muß der vrsachen halb verſtobern / lieber Caspar Schwencckfeldt / vñ iſt zu nicht all bereit gemacht / dein allein glaubiges innerliches Nachtmal / vnd all deine Sacraments

Caspar Schwenckfeldis Lehr/ Glauben / 20.

frige vnd falsche Artickel. Das ist nit war/ das wir/ figuren
alten Testaments in das reiche der warheit wider einfären/
sondern wir lassen den Juden/ r. Manna Himeibrot vnd Os-
terlamb: Hergegen aber haben/ brauchen vnd geniessen wir/
die warheit/ vnd entpfahen in vnserm Nachtmal den lebens-
digen Leib/ das ware fleisch vnd blude Jesu Christi. Zu wel-
ches beweisung/ ich nur das aller schlechte Argumēt diser ver-
sachen gefäret hab/ dieweil du mich auff August. tract. 39. in
Ioan. gewisen hast/ da hab ichs von dem H. Augustino/ deñ
du zwar nicht verstanden/ entlehnet/ murirt vnd angenom-
men. Deñ der Hocheleuchte mann/ auß dem Aposteln/ deñ
er/ dazanzuget/ sezet zwischen dem Jude vnd den H. Aposte-
len/ alle in dem vnderscheidet/ bey vnd in niessung das H. Abend-
mahls/ die würdigkeit/ vnd vnwürdigkeit/ auß welcher/ in
niessung des Sacraments/ die Aposteln/ das leben empfan-
gen/ aber Judas/ des Leibs vnd Bluts Christi/ so er nicht di-
iudiciert vñ vndercheiden/ schuldig worden ist/ r. Die grūd
suppen aber diser/ vnd aller frungen/ r. Ist/ deine erdachte/
vermeinte vnd nichtige newigkeit/ die Newigkeit/ die ich
droben widerlegt hab/ vnd die/ so sie wahre weret/ die Auffe-
stehung des fleisch auffheben must/ r. Zu welcher vermeint-
ten Christi newigkeit/ dich gefäret hat/ der spruch 2. Cor. 3. da
der Apostel sagt/ erkenne Christum nicht mehr/ nach dem
fleisch da das wort/ fleisch/ ist so vil als sterblich/ vñnd ist die
meinung des H. Paul. das er Christum/ nach seiner sichaff-
ten aufferstehung/ vñnd glorificierung nicht mehr als sterb-
lich/ erkenne/ welches wir auch gern von dem H. Aposteln
annehmen vnd befeñen. Wie/ deñ disen sñ vñnd verstand/ der
textlartich mit sich bringt. Deñ gleich vor disem/ Spruch/
sagt der Apostel erkenne keinen Menschen nach dem fleisch
Seind wir druff eitel geist? greiff in deinem busen Schwick-
feldt/ so wirstu den geist finden. Merckstu/ deñ noch nit/ das
der Apostel/ nit das fleisch vñ sterblich/ sondern das ewig vñ.

in Theses verfaßt.

vnsterblich / so vns Christus bey seinem Himlischen Vate-
ter erworben / die gläubigen leñet vnd betrachtet. In beyden
aber / so wol in Christo / als bey vns bleibt doch die ware
menschliche natur / in Christo glorificirt / bey vns zwar noch
sterblich / aber der Hoffnung nach / vnsterblich vnd glori-
ficirt. Beschließlich lieber Schwencck feldt / soll vnd muß
ich dir nicht verhalten / dieweil du ohn mittel / deine Lehr auß
Göttlicher Offenbarung vermindest zuhaben. Daß solches
weit fehlt / sonder vil mehr / ist a gewis war / daß der schwarze
Caspar so alle Ketzer lehret / füret vnd regieret / dir dieselbe
eingebe / vnd dich jämertlich verführet hab. Auch was noch
mehr ist / so bistu nit der erste / sonder früh bey Apostolischer
zeit / hat sie der böse Geist / durch die Discipuln des Ketzers /
Valentis, Marcum, Calarbasum, sampt ihren anherenten /
auff die bahn bracht. Von welchen schreibt Ireneus also:
lib. i. cont. Hæret. c. 8. Alij hæc omnia scilicet sacramenta & crea-
turas; recusantes dicunt, non oportere, inenarrabilis, & inuisibi-
lis virtutis mysterium, per visibiles & corruptibiles perfecti crea-
turas, & ea, quæ mente concipi, nõ possunt, & incorporalia & in-
sensibilia, per sensibilia & corporalia. Esse autem perfectam re-
demptionem, ipsam agnitionem inenarrabilis magnitudinis.
Das ist / Die andere Ketzer / verwerffen diß alles /
verstehe Sacrament vñ Creaturen in vnserer ge-
rechtmachung / vnd sagen man muß nit / daß ge-
heimnuß / der vnaussprechliche vnd vn-sichtbare
krafft / durch sichtbare vnd vnermessliche Creatu-
ren / verrichten / noch das vnleiblich / vñ vnentfint-
lich / so mit sin nit kan begriffen werden / vollbrin-
gen / durch entfintliche leibliche ding. Aber vnser
vollkommenliche erlösung oder gerechtigkeit / sey er-
kantnuß der vnaussprechlichen hocheit od grösse.

Stifter vñ
vhrheber
Schwencck
feldischer
irthumben
Marcus
Calarba-
sus / vnd je-
mit consor-
ten verloge-
ne leuth.


Caspar Schwenckfeldts Lehr/ Glauben/ re.
So weit Ireneus von verhärteten Ketzern. Nun sehe lieber
Caspar/ ist dir nit deine lehr/ den du se bey vnserer gerecht-
machung vnd würckung göttlicher gnaden/ alle Sacrament
Creatur vñ element nit leiden kanst/ wie droben genugsam
bewiesen. Item so muh auff deine meinung vnser seligkeit
hefften in der erkantnuß Christi newigkeit/ welche verm. in
te newigkeit wol/ inenarrabilis magnitudo/ ein außsprach
liche hocheit vnd grosse Christi zunemen/ den durch dise/ ist
Christus auch/ nach seiner mēschheit/ wie du wilt/ die ander
person der H. Dreyfaltigkeit/ sa Gott vnd Herz/ den wie du
schreibst/ libel. de duplici statul. nu. 18. Filius etiam iuxta
carnē iuam est patri in honore gloria & vnitāte diuinā
naturā. per omnia planē totus corqualis iac modis om-
nibus similis. Das ist/ nach deiner meinung. Der sohn auch
nach seinem fleisch/ ist dem vatter/ in ehren/ glory herrliche-
keit vnd göttlicher naturen einigkeit/ durch auß/ gewiß vñ vn-
selbar/ gang eben/ vnd auff all ewig gleich. Ist dir nicht ein
vnbegreifliche/ vnaußsprachliche/ von deinē kēserische vor-
faren/ erdichte größe vñ hocheit des leibs vñ fleisch Christi
Aber lieber Schwenckfeld. Dise vñ heber/ Patriarchen vnd
stiftler deiner lehr/ offenbaren den geist/ von welchem dise dei-
ne Artickel/ an dich on mittel gelangt. Den es schreibi vñ be-
zeugt/ gemelter Ireneus von inen allen/ das sie sich/ auff
das höchst befeissen/ newe zeitunge/ lügen vñ fa-
beln zu tichten vnd fort zupflanzen/ vñ das der/
vnder inen der beste vnd volkōmlichsten gewesen/
qui mendacia maxima. 12. welcher die aller schāntlich-
sten lügen/ zu tichten/ vñ zu lehr/ gewiszt. Sie stehn
nu fast 1400. jar im Kēser register/ vñ seind für grobe lügen-
ner vñ fabler seithero gehalten worden. Kanstu nu sie/ vñ dich
auff dem Kēser register/ vnd Lügengeist erretten/ mustu kein
armer schuler/ sonder fürtrefflich gelehrt seyn. Den Ireneus
sic fuit


in Theses verfasst.


sie für so grobe vnuersehnite lägner außschreiet/das sie tich-
ten dörfen/ quod nūquam quisquam excogitauit, sagt er/
das noch nie/etwa jemandt erdencken können. Doch endlich
beruhet die sache an dem/das wir keinen Engel vom Himel
vnd den Apostel Paulum selbst nit hören/annehmen vnd sol-
gen sollen/so fern er etwas lehren würde/wider das/so wir
einmal haben entfangen/wie den deine newigkeit/lehr vnd
Artickel/bey jetzt erzelten Kezern/so bald sie an tag köñen/
für Kezerey vñ öffentlich lügen seynd gehalten wordt/vnd
wie du selbst bekennst/das man noch auff heut/vñ hefftig dir
widerspricht/so können noch sollen wir/bey verlust vnser ses-
sigkeit/dir nit beypflichten/wir erkennen aber vñ halten deis-
ne offenbarung vñ deinem geist/so 3 Reg. 22. die 400. Pros-
pheten versüret/vñ sñen für die warheit/lauter lügen vnd
vnwarheit eingeben/vñ sagen vnerschrocken mit dem S.
Bernardo zu dir. Quid melius adfers? quid subtilius inue-
nit sanctos, effugerit sapiētes? Was bringestu bessers
herfür/was hastu subtiler/höher oder swisfindi-
ger erdacht/was pranger erdacht/was brauchst
du vil/das dir heimlicher sey offenbaret/dz doch
so vil Heiligen nit haben gewist? vnd souil weiser
verstendiger leuth nit verstandet? Tu de tuo nobis tra-
dis, & quod à nemine accepisti, qui loquitur mēdaciū,
de suo loquitur, tibi proinde sint quæ tua sunt, Das ist/du
lerest/das du von niemandt gehöret vñ empfangē
hast/vñ auß dir selbst/wer leugt Joan. 8. der redt
auß im allein oder selbst/darum behalte auch dir
allein vnd selbst/was dein allein selbst ist.

Laus Deo, virginiq; matri.

Liber Collegij Societatis Jesu Paderbornæ. 1683









Th
1350